

**STEPHANI
COMPSTOFF
FLORENTINI
PHILOSOPHIAE, AC
MEDICINAE...**

Stefano Compstoffs



5.8.372

STEPHANI COMPSTOFF

FLORENTINI

PHILOSOPHIAE, AC MEDICINAE

DOCTORIS

DE CRISIBVS

ET DIEBVS CRITICIS

DISSERTATIO.



FLORENTIAE MDCCLXII.

EX TYPOGRAPHIA CAIETANI ALBIZZINI.

PRAESIDIBVS ADPROBANTIBVS.



EXCELLENTISS. VIRO, AMPLISSIMOQUE D. COMITI
IOHANNI VINCENTIO

A L B E R T I O

IN EQVESTRI DIVI STEPHANI ORDINE
 MINIATENSIS VRBIS PRIORI

F R A N C I S C I I.

PII FELICIS AVGVSTI

MAGNI ETRVRIAE DVCIS

ad Regendam Etruriam ipsam intimo Aequali Consiliario,
 Reique Publicae a Secretis &c.

STEPHANVS COMPSTOFF
FELICITATEM.

SI publicis Scriptorum operibus,
 quaecumque demum illa sint,
 celebritatem omnem, famamque conci-
 lia-

❧ (IV.) ❧

liaret hominis , cui inscribuntur dignitas, & amplitudo, mihi esset profecto gratulandum, quod haec tenuissima, ac rudis dissertatio TVO sit Nomini consecrata . Nam & antiquissima tot , optimaque Nobilissimi Generis, ex quo profluis ornamenta, & singularis in TE humani, Divinique iuris scientia , & incredibilis eruditionis universae copia, & linguarum peritia , tanta cum humanitatis , & beneficentiae facilitate coniunctae, cum sane operi huic meo splendorem afferrent, qui omnium oculis, & non sine quopiam voluptatis sensu adfulgeret . Quae sane Generis, prudentiae, virtutumque tuarum ornamenta quamvis ipsa per se perspecta, ac illustria maxime sint, novo tamen, splendidiorique argumento demonstrantur , quod Sapientissimi COESARIS FRANCISCI I. PII, FELICIS , AUGUSTI, iudicio gravissimo comprobatus, ad componendum Vindobonae primò,

mō, deinde Florentiae Etrusci Regimi-
 nis coetum summo cum omnium plau-
 su fueris designatus. Quod si primum
 hoc studiorum meorum specimen TIBI,
 VIR EXCELLENTISSIME, consecratum tan-
 tum splendoris ac ornamenti ex nomi-
 ne, auspicio, praesidioque tuo sperare,
 sibi polliceri nunc potest, vereor ta-
 men ne ingenii mei imbecillitas, ac ipsa
 quoque argumenti obscuritas quidpiam
 detrhaere videatur. Etenim materiem Ve-
 terum, ac Recentiorum testimonio ex-
 plicatu difficillimam, multisque diffi-
 cultatibus involutam pertractare nunc
 aggredior. Mihi enim sedulo de Diebus
 Criticis doctrinam pervolventi occurret,
 inter coetera, ingens apud Antiquiores
 Medicae praxeos Fautores in enumeran-
 dis diebus criticis quaestio, ex qua con-
 stat luculentissimè non impares modo,
 non septenarios, sed nullos omninò esse
 dies, qui salutarium dierum nomen non
 adipiscantur. Dies enim omnes pares;
 criti-

❧)(VI.)(❧

criticos esse posse Magnus Hippocrates asseruit, si pari die morbi fierent incrementa. Quantae ergo contra imparem numerum disceptandi opportunitates insurgunt! Galenus quoque catalogum exhibet dierum magis, minusve perniciosorum, cum praesertim septimi diei naturam, & proprietates demonstrat, sextum infidum, & suspectum vocans, & hunc tyranno devastatori, illum regi benefico comparandum esse contendit. Itaque, cum tanta sit in proposito argumento perplexitas, & amplitudo, veniam profecto ab aequis, bonisque iudicibus sperare me posse confido, nisi pro rei dignitate argumentum ipsum pertractaverim. Quaecumque tamen futura sint, quae de opusculo hoc meo tui in Etruria nostra, tum & per gentes alias proferentur iudicia, id unum mihi firmam iustamque conciliabit voluptatem, id unum mentem meam fulciet, erigetque, quod clarissimum TVO;

a no-

a nomine , felixque principium sortiatur .
 Quod si tibi uni comprobatum nove-
 ro , bene mihi integreque & de aliis
 omnibus ominari sentiam , censorio li-
 cet oculo rem omnem inspicere , per-
 scrutarique cogitaturis . Vale Vir Am-
 plissime , TEQVE incolumem diu servet
 D. O. M. in Etruriae nostrae felicitat-
 em , in Literariae Reipublicae decus ,
 in absolutum , stabileque TVAE Gentis
 ornamentum .



INDEX RERVM NOTABILIVM QVAE IN OPVSCVLO HOC CONTINENTVR.



- I. **C** *Risis definitio tum grammatica, tum philosophica . pag. 1.*
- II. *De Crisibus in statu valetudinis . 11.*
- III. *De Crisi morborum chronicorum . 13.*
- IV. *De Medici cura in Crisim . 18.*
- V. *De methodo qua morbosa symptomata, & critica distinguantur . 25.*
- VI. *De Crisibus imperfectis . 34.*
- VII. *De Crisium varietate, & primo de Crisibus per diarrhoeas varias . 39.*
- VIII. *De praesagiendis Crisibus . 52.*
- IX. *Historia dierum criticorum iuxta Veteres . 56.*
- Xo *Veterum cum veteribus, & recentiorum cum recentioribus discrepantia circa doctrinam dierum criticorum, &c. 59.*
- XI. *Veterum in definiendis diebus criticis inconstantia . 63.*
- XII. *De difficultate computationis dierum criticorum . 69.*



DE CRISIBVS , ET DIEBVS CRITICIS.



I.



Risis a Graeco sermone deprompta vox , latina translatione iudicium significans , medicis auribus per se facilius intelligitur , quam si definiatur . Plurimis quippe

difficultatibus obsitum est , atque involutum , quid Hippocrates , Galenus , alique ex veteribus Medicis , ac recentioribus Criseos nomine percipi voluerint . Id enim saepissime occurrit in Medicorum libris , ut voce criseos intelligatur subita morbi in melius , peiusve quoad vitam , aut mortem immutatio , nunc vero ea , quae Medici iudicium praecedit fluidorum commotio , & agitatio , nunc ipsa e corpore propulsio materiae mortificae , nunc integra , & perfecta

A

totius

totius morbi solutio in deterio rem etiam aegri conditionem , nunc denique illa tantum morbi solutio , quae in optimam aegri curationem definit , prout vulgaris fert hominum quoque nulli medicinae addictorum interpretatio.

Ex hac autem adeo controversa supradictae criseos denominatione derivantur celeberrimae in re medica voces aliae , & multis ansam disputationibus exhibentes , symptomata critica, signa critica, critici demum dies, aliaeque, de quibus omnibus paulatim , seorsimque instituendus sermo est, cum summae necessitatis principia sub hisce capitibus comprehendantur , perfectaeque medicae praxeos , & diuturnae observationis experientiam is vere redoleat, qui ea universa penitus intellexerit . Id autem accidit aliquando , nullum ut suis in crisisbus natura modum teneat, nimiaque in aegro corpore libertate spatietur , unde & suspecta sint , & periculosa naturae ipsius beneficia , & medicae Artis auxilia desiderant . Id ergo a Medicis dicitur Hypercrisis , quod idem sonat ac copiosa , superabundans crisis , non aliter ac nimiam purgationem Hypercatarsim appellare Medici consueverunt . Vt itaque facilius percipiamus , quid hypercriseos titulo veteres nostri

noſtri complecti voluerint , imaginemur
ex. gr. febris acutae terminum ab urinae
fluxu , & ſeparatione deducendum . Is er-
go fluxus , & ſeparatio , ſi copioſius , ce-
leriusve ſuccedat , quam aut morbi ſtatus
ferat , aut aegri vires deſiderent , cohibendus
iam erit , & determinato quopiam Pharma-
corum genere compoſcendus . Id ergo in-
tegrum , perfectumque Hypercrifeos exem-
plum ſuppeditat .

Sed ne grammaticis duntaxat nimis im-
moremur documentis , vocumque doctrinam
vel inutilem , vel tenuem certe , relinqua-
mus , exponendum potius eſt , quae ſit Phy-
ſica criſium definitio , ſeu qui ſit idearum
omnium nexus , & compoſitio , quae ſub
hac voce Medicorum mentibus obverſen-
tur . Sciendum itaque eſt hanc eſſe in a-
nimali corpore , veluti legem , aſſiduae ut
in illo , perpetuaeque diverſarum actionum
viciffitudines exoriantur . Id autem prae-
ſtant neceſſario non diverſa ſolum , & mul-
tiplicia quibus corpus ipſum conſtituitur
principia , & organa , ſed & principiorum ,
organorumque eorundem actiones perpetuae ,
multiplices , & externorum corporum om-
nium infinitae prorsus in corpus ipſum o-
perationes . Quibus adcredit etiam mentis
autoritas , ſeu variarum actionum ſeries ,

quam in hominibus exerere potens est conclusa nobis divinae aerae particula . Hisce constitutis , eodem in statu fere nunquam perseverabit animantium fabrica , quae tamen nonnisi maximas , summasque status huiusce sui mutationes percipit . Has inter mutationes , quae ceteris omnibus longe antecellunt eae sunt , quae vel partis cuiuspiam , vel corporis universi oeconomiam , & naturalem agendi vim perturbant , quaeque vulgari , & noto omnibus vocabulo morbi nuncupantur . Cum autem ob causas superius expositas in eodem statu nunquam corpus perseverat , neque ergo perseverabit semper morbus , sed varia causarum serie conspirante , varia , multiplicique methodo dissolvetur , & incommodam illam corporis constitutionem , altera vel incomodior , vel comodior status sui constitutio consequetur . Ex eo enim quod perpetua quaedam in animali fabrica concors , ut ita dicam , discordia vigeat effectuum diversorum sese mutuo destruentium , perpetuam quoque adesse sequitur magnarum mutationum originem , quae origini crismum percipiendae facilem sternat viam . En ergo Philosophica & numeris omnibus absoluta crismum idea , ex ipsa naturali corporis intima consideratione

re-

repetenda , eiusdemque veluti necessarius effectus existimanda . Nulli itaque erunt morbi , qui crisi sua destituantur , sive illa faustam corporis salubritatem restitutam , sive & funestam destructionem comprehendat . Utque pro praesenti faciliora hac in re exempla praetermittam alibi fufius exponenda , quaecumque causa tenaciores ex. gr. , magisque cohaerentes in animali corpore humores divisura , aut iusto fluidiores , liquidioresque tenacitati pristinae redditura , criseos cuiuspiam principia facile conciliabit ; quod si & in solidis ipsis partibus imperfecta quapiam , & vitiosa conditione laborantibus accidat , crisin instare dicimus . Sic quae continui solutionem passa est organica pars , mutuo ut contactui restituatur , vel succi coalescentis affluxum , vel implicantium , seseque mutuo obvolventium fibrarum distensiones , amplexumque desiderat . Quorum prima naturalis inspectio Medicis oculis Criseos ideam reprehesentat . Ex quibus omnibus , quamlibet superficie tenus levissime delibatis , patet intelligentiam cricum ab intelligentia generali causarum morbos excitantium esse repetendam ; cum causa cricum ea ipsa sit , quae Phisicis morborum causis contrario prorsus effectu opponitur , seu quae causas illas quascumque destruit . Si

Si itaque Philosophica, crisin, interpretatione denudare voluerimus, erit haec dispositio illa, quam morbosa materies adipiscitur, qua per secretoria quaedam instrumenta facilius, promptiusque secernatur. Postquam autem in effectum venerit, actionemque suam extulerit, dispositio illa, tum crisis successisse dicenda erit, cuius consequentiae, effectusque sensibus manifesti existimanda sunt varia excretionum genera, differentiaeque. Si ergo castigato sensu rigidaque res omnis explananda sit, excretionum illae non causae solutionis morbi, sed indicia potius reputandae sunt: neque enim illae per se crisin faciunt, sed quia dissoluta iam est, & ad supra expositam dispositionem adcomodata morbosa materies, unde excretionum illae consequuntur. Nam si aegro febris correpto salutem sudore comparari videris, anne sudori illi salutis restitutae meritum omnem adscribendum esse potius arbitraberis, quam antecedenti sudorem humorum attenuationi fluiditatisque, & solidorum mollietati, relaxationique? Neque enim simplex sudor excretionis auctae titulo morbum sustulit, sed qui duntaxat a praecedentibus causis quibusdam exortus est: Quae proinde causae veluti prima criseos instituendae fundamenta sunt. Quod autem ita se res habeat

7

beat patebit facile pluribus in locis, ubi ostendemus excretiones etiam copiosas funestas fuisse non infrequenter, atque omnino symptomaticas. Manifestum itaque est, non ab iis simpliciter, sed nonnisi per determinatas quasdam leges, conditionesque morbi solutionem derivari. Quod opportune animadvertit Fridericus Hofmannus, ubi ait excretiones in diebus criticis non esse causas solutionis morbi, sed potius effectus superatae iam causae morbificae. Quod ex allatis huc usque argumentis satis, superque manifestum esse arbitramur.

Neque hisce omnibus reponat aliquis obviam excretionis cuiuspiam pro obtinenda crisi necessitatem. Notum certe est Hippocratem ipsum noxiorum quorumcumque corporum excretionem crisin appellare, ita ut corrupti ex. gr. ossis excretionem crisin vocet (1). Notum quod observat magni nominis Clinicus Albertinus, in omnibus febribus quidpiam secerni demonstrans (2). Notum denique ipsam crisin denominationem (3), verosimillimo interpretationis gene-

A 4

re,

(1) Hipp. Lib. de arte.

(2) Comment. Bonon. tom. 1.

(3) Crisis iuxta plures, & quidem summa cum probabilitate ἀπὸ τῆ κρίνου, quod est sequestrare, & veluti per cribrum aliquid excernere.

re, ab excretionem derivatam fuisse. Neque
 tamen exinde consequitur unum, idemque
 esse crism, & excretionem, cum infiniti prope-
 modum morbi sint, qui sine ullo manife-
 stae excretionis indicio finem habeant suum.
 Audiatur Sydenhamus, ubi ait *dari quasdam*
februm species, quas natura sine visibili eva-
cuatione ablegat, reducendo scilicet in sangui-
nis massam illique assimilando materiam mor-
bificam quae cum eo minus quadrabat. Vides
 ergo sine crisi quoque morbos, febremque
 ipsam dissolvi posse, licet & hoc crisis ge-
 nus quoddam sit, quotiescumque natu-
 rali sanguinis constitutioni morbifica mate-
 ries assimilatur. Quin id potissimum Phi-
 losophicam parit, veramque crisis ideam,
 cuius, ut supra demonstravimus, excretio-
 nes quaecumque, effectus unice reputandae
 sunt. Hisce omnibus probe notis, perspe-
 ctisque, mutationum quarundam ad crises
 relativarum nomina, & notiones intimae,
 facili negotio cognoscuntur. Crudum quip-
 pe nuncupabitur quidquid parto prius mor-
 bo in ea adhuc violentia persistit, ut &
 morbus exinde persistat. Erunt ergo cru-
 ditatum genera, & differentiae propemo-
 dum infinitae, quot scilicet prima morbo-
 rum elementa recenseri possunt; faciet e-
 nim cruditatem vitiosa solidorum quaecum-
 que

que constitutio: Relative autem ad fluida acredo nimia, nimia visciditas, nimia fluiditas &c. Quod paucis ab Hippocrate indicatum, ubi ait, *nimis dulce, nimis amarum, nimis salsum, nimis acidum, cruditas est*. Coctionis vero Philosophicam prorsus ideam, & numeris omnibus absolutam exhibet clarissimus Boheraavianae doctrinae interpres Gerardus van-Swieten, ubi ait: *quando id quod stimulo, vel coagulo, febrim produxit per febrim ipsam sic mutatum est, ut minus noceat, & aptum evadat ut de corpore expelli possit, tum dicitur coctum, licet nunquam in naturam nostram converti possit, nec indolem sanis humoribus similem acquirere* (1).

Quae omnia cum antiquiorum Medicorum mentibus obversarentur, peculiarem in iis criseos imaginem constituerunt, quam sibi scilicet pugnae veluti cuiuspiam spectaculo inspiciendam offerrent. Neque enim aliud quidpiam crism Physicè definitam esse censuerunt, quam conatum inter naturam, & morbum, natura tandem triumphante. Exinde autem metaphoricis gestientes imaginibus scriptores, illi, crism considerarunt, tanquam quae in iudicio pro-

(1) Comment. de Febr. 387.

proferenda esset sententiam. Vti enim eos inter, qui mutuis se accusationibus invadant atrox exoritur pugnae discrimen, facilisque tandem uni duntaxat arridet victoria, sic opportunitate criseos natura, morbusque decertant invicem, ita ut accusato homini similis, incerto animo, pavidoque sententiam aeger expectet. Fit autem crisis quaecumque vel a natura sola vincente, & peculiari quodam insurget die, qui idcirco criticus appellatur, vel ab ipsa adeo irritata, turbataque ut crudos indecenti tempore propellat humores quod intercalaribus maxime diebus accidet, vel tandem ab exultantis morbi insolentia, & auctoritate, quod incerta lege ulla diebus quibuscumque continget, cum nulla sit dies, quae se aegrorum morti promptam neget. Haec de Philosophica cresium idea dixerunt antiquiores.

At ebrii varia systematum voluptate, recentiores, diversam unusquisque pro diversitate doctrinae principis iniit viam. Et primo in abstrusa separationum Theoria explananda definiendaque quam crilibus intelligendis praevidiam esse cognoverunt, alii quidem luxuriante mathesi turgidi, materiei vires, motuum leges, elasticitatum variarum mutationes; percussiones, appulsus
flui-

fluidorum , impetus , & directiones in secretoriis instrumentis considerarunt ; alii de promptis ex vulgari mechanica imaginibus , facili pompa rem omnem expediri posse censuerunt , cribra veluti quaecumque in toto corporis ambitu sibi repraesentantes , porosque excernendis fluidis proportionales , alii immechanicas corporum vires , & iis insita necessario agendi principia , attractionesque mutuas in medium protulerunt , alii perpetuam mentis vigilantiam , consiliumque , a qua motus in corpore peculiare excitarentur ad valetudinem tendentes ; quod in Georgii Ernesti Sthalii systemate , motuum materialium aeterna praesentia , occupatissima perficit anima . Quid enim systemata quaecumque exponam ad secretionem intelligendas poetico potius impetu quam philosophico excogitata illustria sapientum somnia ?

II. Cum vero inter universales oeconomiae animalis actiones separatio humorum prima sit post circulationem , hinc sapienter animadvertunt recentiores perpetuas fieri in animantibus crises per secretionem aequa methodo & necessaria distributas . Sciendum enim non aegris modo familiares esse criticas excretionem sed & in optima corporis conditione constitutis ; nam per urinas ex. gr. ludu.

sudoresve copiosiores per opportunas haemorrhagias, vel futuri morbi non raro praecaventur, vel praesentes tenuissimi dissipantur. Quod evidenter ostendunt consuetae quaedam, quaedam etiam periodicae in nonnullis humorum excretiones, de quibus ii maxime cauti curiosique sunt, qui secundae valetudinis delicias experti, adversae incommoda reformidant.

Haec autem, quicumque sedulo, attenteque perpendat, intelliget luculentissime in errorem eos adduci, qui in brevibus duntaxat, acutisve morbis crises dominari censuerunt. Nam & chronicis morbis fugandis inserviunt, & morbis quibuscumque praecavendis; unde observanti Medico prudentique raro timorem iniciant, coeteris paribus, & sine pertinacia auctae separationes. Quis enim naturae beneficium non praedicet, & admiretur in homine, longaeva iam aetate laborante, quem apoplecticis fortasse ictibus subtraxerit liberalis e naribus erumpens sanguis! Aut quis largas alvi, renumve deiectiones, perpetuae crisis loco esse neget in foemina quae Iunonem Menam propitiam (1) sibi non adesse conqueratur.

Quod

(1) Ita apud Veteres audiebat Dea praefes menstruâ mulierum purgationibus.

III. Quod si principiis lento gradu agentibus, lenti insurgant morbi, neque ex iis plurimi crisi sua destituuntur. Ut autem faciliori res omnis obtutu percipiat, adnotandum primo, veterum ferme omnium sententia, cui & plerique ex recentioribus inhaeserunt, acutos morbos dierum quadraginta intervallo iudicari: Eos vero, qui ultra quadagesimum persistant, chronicos appellari. Ii autem omnes definito carent crisis termino, nullaque certa dierum lege dissolvuntur. Nam morbi quidem breviores, a vigesimo die ad quadagesimum iudicantur per septenarium numerum, a quadagesimo, ad centesimum, & vigesimum per vicenarium, post centesimum & vigesimum cessat omnis dierum auctoritas, longoque duntaxat annorum, mensiumve spatio, incerta etiam periodi norma, avolant pertinaces morbi. Haec de chronicorum morborum crisi docuerunt Hippocrates, Galenus, aliique; An vero dicendum sit naturam legibus iis esse obligatam, alibi videbimus, ubi de dierum criticorum forma, & conditione differemus; Id unum in praesenti animadvertentes, supra expositam chronicarum cricum Theoriam Veterum memoriae protinus excidisse, quotiescumque septenario quopiam im.

implicari possent crises illae, uti affectionum illarum exempla demonstrant quatum crisis vel septem mensibus, vel & septem annis contineri, concludique crederetur. Quibuscumque autem vinculis naturam in morbis veteres circumscripserint, lento etiam gradu incedentem, id tamen extra omnem dubitationis aleam asseri tuto potest, morborum quoque chronicorum plurium manifestam aliquando esse criticam solutionem. Cumque ea sit animalis fabricae tristis, & luctuosa conditio, ut ab ipsis usque constitutionis suae principiis variorum morborum dissidio, atque insultibus occupetur, hinc ipsae, quae in animali corpore aetatis beneficio fiunt perpetuae mutationes, morborum illorum crises sunt; quod accurato observationum ordine satis, superque testatur puerilium morborum historia: de quibus idcirco adnotavit Hippocrates diuturnam esse consuevisse durationem affectionum illarum, quae in pueris permanerint, neque solutae in iis fuerint circa menstruorum eruptionem (1). Cui consentit Celsus, ubi ait: *quae salutis incommoda, si neque primis coitibus, neque in foemina primis menstruis finita sunt, fere semper longa sunt.*

(1) Aph. XXVIII. Sect. III.

sunt. Quo loco animadvertendum est, quod supra docuimus, cresium potius effectus, esse excretiones, quam crises excretionum. Neque enim putandum est morborum quorundam puerilium solutionem menstrui humoris, aut spermatici fluidi excretioni esse adscribendam: quod austeram, rigidaque veterum librorum interpretatione contenderunt ex commentatoribus plerique; cum tamen chronicarum, ea in aetate affectionum terminus, universali potius, quam corpus omne subit, mutationi tribuendus esse videatur. Neque enim auctae duntaxat tum temporis vitae vires exacta lance perpendendae sunt, sed & quae exinde consequuntur, solidorum omnium incrementum, robur, durities, minor vegetatio, fluidorum vero densitas, extensio, distributio: quibus facile fit, ut non veteres solum morbi extinguantur, sed & novi prorsus insurgant (1). At vero lentas hasce morborum crises in pueris omittentes chronicorum morborum crises alias exponendas aggrediemur, quas in adultis quotidiana confirmat experientia. Id autem depromptis ab Hippocrate documentis ostendendum est, qui

(1) Georg. Ern. Sthalius de morbis aetatum. Fridericus Hofmannus de annis climactericis.

qui capitis morbos solvi animadvertit humoris varii fluxu ex variis capitis ipsius cavitatibus inquiring (1) *capite laboranti*, & *circumcirca dolenti pus*, *aut aqua*, *aut sanguis effluens per nares*, *aut per os*, *aut per aures*, *solvit morbum*. Et quamvis aphorismi huiusce veritas rationi nullatenus consentire videatur, ut egregiis medicinae Hippocraticae interpretationibus notat Gorterius, inconcussa tamen pro Hippocrate stat observatio. Si enim quod ab haemorrhagia derivari potest cephalici morbi levamen excipias, intelligi difficillime potest qua nam conditione fiat, ut per aures, os, nares, caput expurgetur. Vltro concedimus foramina cranii omnia dura meninge tecta ab Anatomicis exhiberi. Quis autem mortalibus adhuc indutus exuviis, naturae vias omnes, recessusque secretiores agnovisse se temere, atque impune iactaverit? Praesertim vero cum dubiam incertamque rei veritatem oblucente licet Philosophica face, Clinica praxis ostendat. Sed & alio in morbis chronicis crismus argumento nos occupat Divinus Hippocrates, ubi melancholicis, & nephriticis haemorrhoides

(1) Aph. X. Sect. VI.

rhoides supervenientes bonum esse notat (1). Quo loco animadvertendum nephritidis voce calculos renum intelligendos non esse, sed dolores lumborum quoscumque, quos veteres nephritidis nomine appellaverunt. Neque sat arduae indaginis negotium est, si sciscitemur, cur & nephritidis, & melancholiae crisis fiat frequentissimè per haemorrhoidas, cum destituta valvulis vena porta, liber sit effluxus lento sanguini per haemorrhoidas decurrenti, quae portae eiusdem extremae sunt veluti partitiones. Quid enim dicam de hydropis, anasarcae maxime, diuturni licet, pertinacisque, solutione? Atqui frequenti constitit observatione, patefactis intestinalis fistulae tubulis, auctaque glandularum actione, lympham per e-munctoria illa diu, & copiose excretam, longioris morbi, & periculosi crisis effecisse. Neque enim admirationem ulli pariet, si auctae urinarii systematis vires, secretionesque, id ipsum facile praestiterint. Adde, quod liberali quoque narium haemorrhagiae cessit aliquando morbus huiusmodi, insperato nimirum pro morbi qualitate crisis generi. (2) Postremo tandem potus quoque

B

co.

(1) Aph. XI. Sect. VI.

(2) Hild. Cent. 1. observ. L.

copiosissimi gravitate, & violentia factum, est, constanti ut morbo, conclamatoque crisis adfuerit (1), tantis opportunam viis sese praestat beneficae naturae munificentia!

IV. Si ergo recte, sapienterque tum veterum, tum recentiorum autoritate conspirante assertum est Medicum naturae ministrum esse, quanto id ministerii sese efficeret, ac veluti triumphabit in Crisum negotio, quae naturae medicae opus certe maximum componunt, omniumque utilissimum! Medici itaque naturam observantis, illique diligenter inservientis, perpetuum erit, sanctumque munus crises investigare. Id autem non sine summo aegrorum incommodo accidit frequentissimè, ut impediatur potius, sufferaturque crisis vel inopportuna quaedam, ne dixerim perniciose experiundo, vel opportuna quaedam, & salutaria praetermittendo. Quae duo in morbis omnibus summopere animadvertenda, accurato nunc examini demandanda sunt. Dolendum itaque primò est invalescente iam, & progrediente morbo, quin & dubio instantis criseos appulsu, summae activitatis

(1) Baynard. tract. de balneis calidis, & frigidis.

vitatis medicamenta in medium frequenter adduci , quibus aegri res in deterius delabantur . Quis enim id facile ferat , tranquillufve audiat , ut inconsulto , neglectoque morbi statu , & conditione vehementioribus sudoriferis , purgantibus , volatilibus , irritantibus , acris vel , & sedativis narcoticis defatigetur aeger , & quae aptiores salubrium excretionum fortasse meditabatur vias , alibi materies noxia distrahatur ? Qua quidem vel revulsione , vel derivatione facta , de integra deinceps aucupanda crisi actum facile est . At nimio saepe impetu ad artis suae gloriam contendunt Medici , & de morbi victoria , atque expugnatione , citius quam par erat , solliciti , bono quidem animo , malum tamen aegris praestant officium surdam crisin inopportuna velocitate advocantes , quin & ferme suis , multisque laceffentes obligatam veluti remediis , illamque hac ipsa de causa longius abducentes . Egregiè itaque praeclareque Medicos monet praxeos magister Georgius Baglivius prope dies criticos ab usu opiatorum abstinere , ne naturam tum temporis multo operi intentam , multa agere consuetam , iniuncta humoribus tarditate opprimant , crisinque tollant : qui & notat , solemne id esse apud rusticanos , per-

fectiores ut sortiantur crises, quod nullis utantur medicamentis. Frequenter adeo activi medici vituperium id est, ut agendo, infudandoque, omnia perturbet; tantumque nocet in morbis pluribus nimis fuisse negotiosum. Quod ii praestant lubentissimè, qui definitam Medicae artis auctoritatem producto limite distrahentes, compositis pharmacis ventres onerant, & in uno stomacho medica plurimorum gentium dona conpingunt. Quod si vel aegrorum, vel familiarium male aegro consulentium importunitas medicamenta extorqueat, palliativa, ut aiunt, Medicina praesto sit, & lenissimum commoda fraude medicamentum. Si ergo ullibi, hic, maxime res tota cunctando restituitur: hic triumphet necesse est quies illa, & lenta Gedeonis ars curandi morbos per expectationem (1): hic exultet elegans Hispani scriptoris Medica consultatio (2), in qua plures ad unum aegrum confluentes Medici, unusquisque pro diversi pharmaci usu, & praestantia dispu-

(1) Notus Gedeonis Harvei Liber, cui titulus *de arte curandi per expectationem*. In ipso libri limine elegans tabula hominem exhibet, cui magna manu pagina tota hoc duntaxat verbo inscribitur. *Expecta*.

(2) Notum Hispani Medici opus, consultationis Medicae titulo inscriptum.

disputant , donec adveniente Hippocrate tranquilla fiant omnia : qui paucissimis tot pugnas verbis dirimit , quietem duntaxat aegro praescribens : sudorem quippe futura die adventurum , quo nullis advocata pharmacis , salus tamen integra restituatur . Quamobrem facilem sibi nullo negotio , remediisque suis comparare gloriam poterit quicumque instante Crisi nullius etiam nominis , meritive remedia propinari iubeat . Quod quidem illustrem Vetulae illius famam unicuique revocat in memoriam , quae totam , quantacumque illa esset , Aesculapii gloriam absorbuisset insipientium oculis visa est , quod conclamato iam aegro , prope- rante crisi , subitae salutis miraculum obtulerit , quam Galenus iure optimo beatam nuncupavit . Tanti fuit animam nullatenus Hippocraticam fortunato crisis appulsu , vel ignobile pharmacon praescripsisse ! Vbi vero beata est & Vetula , quae venit tempore crisis , ita infaultus medicus , aut aeger potius , qui quas praevidere nesciit , crises inopportuno perturbat pharmaco . In eo itaque totus sit Medicus necesse est , aptiore ut morbi tempore facilem naturae sternat viam , quo integram eius labore , & industria , promptamque crisin molietur . Quod quidem iuxta morborum diver-

B 2

sitatem

fitatem, caussarumque maxime morbos illos advehentium, diversa conditione obtineri potest; vel enim dissolvendum est quod densius est, tenaciorique cohaesione praeditum, vel spissius reddendum quod nimia fluiditate nocuerat, vel temperanda quaecumque validae acredinis vi corpus offenderant, vel relaxanda, emolliendaque quae inflexibilitate, & spasmo vehementiore rigidiora fuerant, vel constringenda, & corroboranda quae morbosam subiierant atoniam, vel aperiendi obstructorum canalium obices, & impedimenta. Nosse autem necesse est quaecumque, vel excitandis in diverso morbi spatio crisibus inserviant vel promovendis. Qua in re plura monuit sapienter Hippocrates, qui primò impedimenta crises prohibentia de medio tollenda esse animadvertit: Secundo notat quo potissimum tempore vel exhibenda quaecumque sint, vel ab iis conquiescendum. *Incipientibus morbis si quid movendum videatur, move, vigentibus vero quiescere satius est* (1). Quo movendi consilio intelligendum non est vehementiore motu procurando opus esse quae gravissimorum interpretum (2) quorumdam sen-

ten-

(1) Aph. XXIX. Sect. II.

(2) In id vero adducti sunt a verbo graeco πρὸ κινήειν, quod propriè movere est.

rentia est , sed de purgationibus quibuscumque , aut evacuationibus instituendis : ni enim in ipso morbi exordio importuno humorum onere grave corpus leves , aut inutilia fluida , & perniciofa diminuas , vel inaequalem habes fluidae , solidaeque partis actionem , reationemque , vel omnino adversam . Quod si alteri adhuc morbi tempori ea omnia committis , rem inopportune moliris vel noxiam saepe , vel saltem inutilem . Quae in acutis praecipue morbis summo studio perpendenda sunt , in quibustamen dolendum est perniciosos quosdam vigere usus promovendis crisis , excitandisve infensissimos . Quis enim caloris assidui vehementiam , artis etiam ope conductam , crisi facilius obtinendae conferre posse arbitretur ? Quis humidum , & sordidis aegrorum vaporibus refertum aerem , & rarius , aut numquam immutatum ? Quis foetentia linteorum , lectique , & eorum quorumcumque , quae aegros ambiunt effluvia (1) ? Quorum omnium incuriam , erroremque etsi medici ferme omnes ultro fateantur , mirum tamen est , quod invaluerit adeo consuetudo conclusis acuto morbo laborantes , calidisque detinens cubiculis squalorif-

[1] Videatur Platnerus de mortis ab immunditia .

lorisque perpetui improvida voluptas , & inopportuna tenebrarum laudatio.

Alibi autem , dum criseos indicia perspiciuntur , vel Crisis ipsa fit , Medicum suadet Hippocrates quietum esse spectatorem ; *nam quae indicantur , & indicata sunt perfecte , neque movere oportet , neque innovare sive purgantibus , sive aliis medicamentis , sed sinere* (1). Admirare porro quam austera sint divini Senis documenta , ubicumque naturam agentem reprehenderit , austerissima vero ubi de Crisibus sermo sit . Anne ergo si per alvum , exempli gratia , Crisim natura moliatur , movenda alvus non est , neque naturae ipsius opera sollicitaturus , tuto purgantia exhibet Medicus ? Nonne aequissimo Hippocratis ipsius praecepto , *quo natura vergit eo ducere oporteat* ? Minime vero : ni aliqua difficultas adsit , aut perfecte cognita necessitas urgeat , vel de naturae ipsius infirmitate , vitioque suspiceris : aliter enim naturam , iuvandi loco , fortasse perturbas ; Nam quae tibi est tam certa , & secura cognitio , ne purgante exhibito humores quoque utiles vi facta ad intestina divergantur , & quae morbum fecit superstes adhuc materia agitato corpori pertina-

(1) Aph. XX. Lib. II.

tinacius adhaereat? Tanti est crisisbus praesse, vel agentis Medici, vel & ociosi spectatoris munere perfungaris. Neque hisce duntaxat finibus contineri Medici cura censenda est. Nam parata iam eius studio, & vigilantia ad crism natura, insurgens adhuc crisis ipsa legibus quibusdam promovenda saepe est, vel & moderanda, & ad suum usque terminum perducenda. Ex quibus omnibus inferendum est in Crisum negotio Medicum nunquam satis esse curiosum.

V. Sed & alia in administrandis Crisisbus sunt, quae incredibilem Medico laborem facessant. Cum enim id ex ipsa rei necessitate consequatur, omnes ut ferme crises, interior, & insueta quaedam agitatio corporis antecedit, probe intelligunt omnes quanto id errori conferat Medicorum, illorumque metui, potiusquam spei suscitandae conspiret. Nam, ut supra monuimus, ex ipsa rei necessitate quaedam, veluti incrementa morbi luculenter insurgunt, dum auctis machinae potentiis, irritatisque determinatis partibus quibusdam, materiae morbificae, vel dissolutio, vel excretio praesto est, & quae corpori nuper implicata quodammodo siluerat, vinculis aut expedita, aut expediri tentans suis liberam

beram agendi vim nanciscitur . Quanti autem sint motus illi , quanta haec falsa morbi incrementa , constabit evidentissimè , ubi de praefagio cresium differemus . Utque uno nunc res tota exemplo collustretur , viden quanta criticam per nares haemorrhagiam incommoda praeveniant , dolor gravis , inquieta pulsatio , delirium , phrenitis ? Quid quod in ipso ut plurimum morbi statu fit crisis , cum scilicet noxia vehementius furunt , exsultantque symptomata .

Lubet adhuc regiam Hippocratis sequi viam , tutisque castissimi observatoris vestigiis inhaerere , admonentis *quibus crisis fit, his ante exacerbationem noctem gravem esse, symptomatibus nempe pluribus, & acerbioribus refertissimam, subsequenter vero leviores* (1) . Neque ab ullo sane , quam ab hoc fonte repetendae sunt alibi expositae criticae perturbationes , confluxus scilicet quidam effectuum diversorum , qui crisi cuilibet adiunguntur , quae cum nova quapiam secretionem , similive opere profluat obtineri minime potest ; ni novi effectus plurimi insperatique consurgant , qui quamdam veluti perturbationem adducere videantur . Quae
quidem

(1) Aph. XIII. Sect. II.

quidem , cum aegris in deterius vitam ruerre dubitantibus terrori esse possint , praefragienda Medico sunt , terrorque omnis discutendus : ni enim ea omnia opportune praedixerit , sibi tribuat necesse est , si imperitae gentis fabula fiat , & quae vel prudenter exhibuit medicamenta , in culpam mali supervenientis adducantur . Raro tamen , incautoque semper consilio medicamenta tum temporis exhibentur , cum tanta sit criticarum perturbationum vis & actio , ut addita pharmacorum vi , Hyperchatarfes exinde lethales oriantur , aliaeque incommoda prorsus infinita . Quod sedulo monuit Georgius Baglivius , mesentericas Romae febres excipiens , nimiam supponentes cacochyliam .

At vero nostri memores instituti , methodum brevi exponendam aggredimur , qua morbosa symptomata , & critica dignoscantur . Cum enim multa sint , ac propemodum infinita , quae incertam reddunt , intricatamque medicam diagnosim , tum illud maximè , quod morbosorum symptomatum characteres , & indicia , summo duntaxat studio , & labore improbo a criticis seiungenda sint . Primo itaque cum progrediente duntaxat morbo , vel absolutis circuitibus quibusdam crises accidunt , morbo
sa ,

sa, potius quam critica symptomata ea omnia censa sunt, quae sub ipso morbi exordio se produnt, morbove adhuc immaturo. Hinc recte, sapienterque noxias iudicato, quae in accessionibus, aut tremore febrili insurgunt haemorrhagiae, vomitus, urinae copiosae &c. Quid enim fausti ominis liceat tibi, aegroque tuo exinde polliceri? sic & morbi, potiusquam bene auspicae criseos effectum arbitrare, si varias uno, eodemque tempore diversis in partibus humorum expulsionem observes. Raro quippe exemplo plures init vias, raro multiplicis actionis merito sinceram crism, integramque natura meditatur. Sic frequenti constat observationum serie in acuti morbi periodo, sudorem ex. gr. alviue deiectionem nimiam, una convenientes, deterioresem semper effectum intulisse. Nonne enim de morbi potius quaquaversum, irruentis acerbitate, & violentia, quam de naturae beneficentia, & largitate admonent luxuriantes diverso impetu separationes? Sed quae morboſis criticisque symptomatibus distinguendis facem praeferunt documenta, eadem omnino sunt cum iis, quae viam indicant, qua bona, & sincera crisis a falsa ſecernatur; unde exponendas aggredimur criseos utriusque characteres. Cum
ergo

ergò fiant , ut plurimum , crises facio excretionum quarundam incremento, uti pluribus in locis animadvertimus , sciendum, tamen est plura excretionibus hisce adiungenda esse , quo salubres exinde suscitentur effectus .

Quae ergo bonis avibus accidisse crisis dicenda est , pacata omnia relinquit , & divino prorsus splendore suffulta ab ipso tempestatum sinu subitam evehit , constantemque tranquillitatem . Contra vero suspecta habere bona sua debet , quicumque crism obtinuerit , a qua nec morbi remissio fiat , nec pertinacium symptomatum , declinatio . Quo enim rationis impulsu bene tibi , aegroque tuo omineris , si vigente adhuc, vel absoluta , de qua male gestis , crisi , durus tamen in acuto morbo persistat arteriae pulsus , aut frequens , & laboriosa respiratio , aut asper in externa cute contactus , aut consueti coloris immota semper , & inquieta praesentia ! Suis ergo , qui illam praeceant veluti satellitibus stipata progreditur crisis , integram , redditura perfectae valetudinis voluptatem : quibus si destituatur nae illa dubitandi semper ansam relinquit , ac si fallax , subdolumque corpori intulerit beneficium . Veritatem hanc accuratioribus Clinicis notissimam ,
expe-

experientia rerum magistra quotidie confirmat, variaque fulcit observationum serie Fridericus Hofmannus, ubicumque naturam describit criticis operibus occupatam (1). *Aliquot certè ipsis, ait, criticis diebus sub largis sudoribus occumbere vidi, in quibus scilicet symptomatica potius, quam critica apparuit excretio, quam nimirum nec humorum fluiditas praecefferat, nec a duritie sua remittens pulsus, &c.* Et revera adnotante etiam Gortero, evacuationem criticam signa sua praecedant necesse est cum unico momento materia cruda converti nequeat in coctam, eiusque conversionis sua esse debeant indicia.

Sed & Canonas quosdam reperita observatione innixos exhibuerunt Practici, quibus optima crisis, & improba dignoscerentur; Pessimas itaque esse adnotarunt crises humoris meri, sincerique a peculiari quapiam corporis parte propulsi; unde sincero sanguini per tussim ex. gr. sincera bile per alvum excreta &c. faustum nihil imminere monuerunt. Neque enim universales exinde corporum repurgationes expectandae sunt, neque id omne causae alteri, quam peculiaris.

(1) Dissert. de Crisibus, & Criticis dieb. in experientia rationali fundatis.

culiari vitio, morbove tribuendum. Pessimas quoque deprehenderunt crises humoris pauci, tenuisque, & qui vix expulsionem sui conspiciendam fecerit, repentè destiterit. Huiusmodi sunt raræ e naribus sanguinis guttae, rara per ventriculum, aut intestina, & difficilis eiecta materies &c. Quae omnia partis illius exsolutionem, oppressionemque indicant, nec ab universa fluidorum compage, sed a particularis cuiuspiam liquidi labe, & perturbatione deducendam esse monent salubrium numero male additam excretionem. Quae quidem omnia veritati admodum consona diuturno experimento conspexit Georgius Baglivius, multisque ante illum saeculis magnus Hippocrates, qui Epidemiorum libro primo observandum reliquit in Philisco, & Epaminone, & Sileno quarta, & quinta die, parum sanguinis de naribus stillavisse, & mortuos esse in febribus ardentibus epidemicis eos servatos fuisse, quibus largè sanguis e naribus eruperit: erupisse autem maxime adolescentibus, & in vigore constitutis. Quo loco adnotandum suum esse excretionibus omnibus modum; nam & quae nimis copiosae sunt, & subitae, velocesque excretiones, infausae criseos praenunciae esse consueverunt: id vero pro humorum excretionum

torum diversitate, & partis excernentis officio, & constitutione diversis rationibus intelligendum. Quin etiam iisdem omnino terminis concludendae sunt copiosae criticorum humorum metastases, quae aut parti, in quam traducuntur, lethalia deferunt incommoda, aut abundantem nimis indicant, & qui repurgari satis, excernive nequeat, vitiosorum fluidorum confluxum. Postremo denique in gratiam tuti cricum praesagii habenda quoque ratio est non quantitatis modo, sed & qualitatis humorum excretorum. Si enim corruptos humores, foetidos, graveolentes, si ab indole naturali sua maximè immutatos ingenti copia excerni conspicias, quam difficile cridem imaginabere bonis avibus advenientem!

In eo etiam totus sis necesse est, ut in iudicio criticarum excretionum instituendo aegri aetatem perpendas, anni tempestatem, morbi spatium, & constitutionem, diversas corporis cuiuslibet consuetudines quaspiam, aliaque huiusmodi. Lege, sis, epidemicarum constitutionum quarundam historias ab eruditioribus Medicis evulgatas. Docebunt illae quam diversi sint cricum characteres: quam funestae aliquando fuerint datis quibusdam temporibus, excretiones nonnullae, quae in diversa coeli constitutione singularia subitae

bitae salutis portenta pepererant . Id omne vario observationum genere suffultum exhibebunt illustres animae Sydhenamius, Tortus, Ramazzinius, Valcarengus, &c. Noto igitur epidemici morbi caractere, dignosces faciliè quae faustam in iis crism signa, funestamve concomitentur . Sic & diversae quoad aetatem, & consuetudinem, corporum constitutiones, diverso crism genere morbos fugant, quarum perspecta cognitio dubium Medici iudicium non multa cum difficultate moderatur . Id quoque observatum frequenter est, crises felici omine succeduras, per vias, ut plurimum, fieri viciniore, eas scilicet, quae morbi materiam, sedemve proxime complecterentur . Hinc mesentericas febres repetita naturalium purgationum successione facile dissipari animadvertit Baglivius . Hinc & quotidiana constat observatione morbos pectoris ex. gr. expuitione, alvi morbos intestinali fluxu tutius, leniusque, quam alio quocumque partium ordine profligari . Licet autem remotioribus quoque partium viis frequentissimas natura crises instituat, cum corporis universi unus sit ubicumque confluxus, una consensio, particulares tamen securius perficit faciliusque . Vt itaque brevi haec omnia complectamur, faustae criseos, perfectaeque

C

haec

haec sunt argumenta. Et primo praeveniant illam necesse est integrae coctionis indicia. Secundo proprio succedat morbi tempore, seu critica die, opportunaque. Tertio eius actione morbi materies omnis, & incommoda sufferantur, vel maxime mitigentur. Quarto per aptiores fiat corporis partes, seu morbi causae, solutionique magis accommodatas. Quinto sit haec manifesta; manifestis nempe principiis conspirantibus exorta, uti conspicua excretionem quampiam, vel depositione vitiosae materiei in partem ignobilem ex qua nullius periculi abscessus, similive morbus insurgat. Sexto sit illa quantitatis tantae, qua corpus universum integrè repurgetur, itaut nullae nocentium humorum reliquiae triumphant in corpore superstites, novo morbo novam originem illaturae. Septimo sit illa vel proportionis, vel qualitatis eiusmodi, quae respondeat infirmi corporis, morbove constitutioni, aetati, tempori, &c.

VI. Iam ergo perspectis faustarum crissum indiciis illataque exinde cognitione, per quam a criticis morbosa symptomata seiungantur, aliqua adhuc de imperfectis crissibus exponenda sunt. Sciendum itaque est nil aliud esse, ut plurimum, crises imperfectas, quam morbos secundarios in quos inextin-

inextinctae adhuc primi morbi causae definant. Nam si eas materia morbifica conditiones nanciscatur, illa ut integritate dissolvi non possit, quae necessario requiretur ut e corpore propellatur, ab universa humorum compage facili actione disjungitur, exitumque semper inquirens, secretoria, ut plurimum, instrumenta pervadit: pro quorum diversitate, vi, textura, officio, constitutione diversos prodit effectus, felices scilicet, funestosve. Hinc tumorum quorumcumque a morbis aliis insurgentium origo est repetenda. Hinc diversorum viscerum, partiumve morbi, traducta in iis morbosa materiei sub ipsum primi morbi terminum apparentes. Quod animadvertens Medicus funestae metastasis praesagus in id cogitet necesse est, ut humores dissolvat, aliis ut in partibus irruentis materiei cursum, actionemque divertat, tristemque consistentiam praevertat, & relaxantibus, evacuantibus, revellentibus, discutientibus aegri saluti praesto sit. Postremo & quae crasim promiserat morbosa materies, vitae viribus minimè subacta, in substantiam aliam convertitur, ut in acutis morbis faciles indicant, & quotidianae observationes. Quaecumque enim vel naturae, vel arti resistit inflammatoria materies, neque dissol-

vitur, in materiam transit suppuratoriam, scyrrhosam, gangrenosam, devastantem, sphacelosam.

Neque vero imperfectae semper existimandae sunt crises illae; quae per novum morbum fiunt, proindeque liberam esse non sinunt animalem oeconomiam. Nam & morbi ipsi beneficae naturae dona non infrequenter sunt, & integerrimam valetudinem non raro effecerunt opportuna valetudinis incommoda. Nonne enim obsoletum iam est, omniumque vocibus tritum sapientis Medici effatum illud, „oportet aliquando morbos facere? Nonne admonente Celso, ipsa febris quod maxime mirum videri potest, saepe praesidio est? Quod quidem pluribus in locis aperte testatus iam fuerat Hippocrates, eiusque observationibus confirmandis devotus Sydenhamius, qui & febrim nuncupavit naturae instrumentum, quo a puris impura seiungerentur. Si enim mechanicis innixi principiis febris cuiuscumque effectus primos attente perscrutamur, velociorem ab ea semper cordis contractionem fieri intuemur: esse ergo febrim affectionem vitae conantis mortem avertere, tam in frigore, quam in calore (1). Et
re-

(1) Boher. de febr. 573.

revera imaginare consistant aliqua in parte, periculofam nacti quietem, lentamve periodum, humores quipiam: quam facile iis impetum conciliabit insurgens repentina febris; quam subito lentas cohesiones dividet, proindeque & effectus illos omnes distrahet, & morbos exinde profluentes! Quid enim ea proferam elogia, quibus quartanae ipsae, tertianaeve celebratae sunt. (1) Quid eximii Philosophi de La Hire historiam, qui ab inquieta, diuturnaue cordis palpitatione quartanae merito evasit immunis? (2) Quod si & morbos alios plures non ad animalis perniciem, sed ad optimam crism saepe conspirare demonstrandum foret, nimis iam nostra prothraeretur oratio.

Sed ut eorum omnium veritas vulgari exemplo patefiat, imaginare inferatur fortuito parti cuiquam animalis exiguum ligni frustulum, pungentive corpusculi: dolet protinus pars illa: dolorem brevi consequitur inflammatio: Inflammationem suppuratio: suppurationem vero inserti corpusculi nocentis expulsio. Noscis ergo quae naturae mens erat morbum adducentis

C 3

crism

1) Van de Mye de morbis Bredanis pag. 5.

2) Hist. de L' Acad. des Scienc. pour L' année 1715.

crisim scilicet per morbum moliebatur. Neque diversa certe conditione, & morbum, & morbi crisim facit aliquando calculus in ureteres, renesve saeviens, eorumque vires omnes morbo, & dolore suscitato in noxii corporis eiectionem una conspirare cogens. Cum autem Medicorum scientiae, doctrinaeque nulla sit tutior via, quam quae natura duce patefiat, hinc nonnulla saepe in salutaris artis usum adducta sunt, quae tamen morbum facerent. Cum enim tenuium morborum quorundam praesentia morbos alios corruere animadvertissent Medici, eorum facile opinioni subscripserunt, qui artis ope leves aliquando morbos quospiam excitandos esse docuerant. Exinde autem utilia tormenta quaedam, doloresque commodos aegrorum saluti consulens Medica tyrannis ostendit, vesicantia, setacea, catutera, igneas combustiones, ulcera artificialia.

Imperfectae demum crises fiant necesse est, cum morbosae materiei pars duntaxat aliqua separatur; tum enim vigentibus adhuc in animali corpore noxiarum rerum principiis, & inextincto primi morbi fomite, vel morbus alter insurgit, ut supra animadvertimus, vel novae fiunt morbi eiusdem adcessionis. Qua in re notum est,

Hip.

Hippocratis documentum, admonentis, quae *relinquuntur in morbis recidivas facere consueverunt*. Quod nemini admirationem faciet perpendenti, ea quae relinquuntur ex eadem omnino materia conflari, quae primum morbum adduxit. Neque tamen recidivarum nomine excludendam esse voluerunt sapientiores interpretes aliorum quoque differentium morborum originem, & novitatem, licet id intelligendum sit potius nomine mutationis in morbum alium, quod diversam a recidiva ideam parit eiusdem morbi novas adcessionem supponentem (1). Postremo imperfectis crisi- bus adiungi potest status ille morbo- si corporis, quem Graeci *ἀντιστάς* appellant, cum scilicet nulla crisis apparet, cum humores ad idonea corporis instrumenta circulationis impetu perducuntur, quin ulla tamen observetur excretio: vel denique cum in morbis crisi quapiam dissolvendis, neque salutaris excretio, neque ad excretionem illam conficiendam idonei motus ulli conspiciuntur, sed aliqua tamen morbi fit remissio, & decrementum.

VII. Postquam ergo multiplici diversarum observationum ordine morbosa symptomata a criticis seiungere noverit Medicus,

C 4

cus,

[1] De Gorter Medic. Hippoc. in aph. XII. Lib. II.

cus, & a perfectis imperfectas crises distinguere, alia etiam studia conferat necesse est, ut signa crises quascumque praevenientia cognoscat, exindeque facilem sibi compareret illarum praedictionem. Sed antequam divinam hanc medicae prognosis intelligentiam aucupetur, diversarum prius exponenda est viarum historia, per quas criticum opus instituire natura consuevit. Quae quidem actionibus suis omnibus cum varia maxime sit, & locupletissima, diversa critico in opere Phisicis oculis exhibet spectacula. Id autem necessario desiderant differentes morborum constitutiones, viarumque per quas morborum eorundem victoria securius obtinetur. Atque haec quidem omnia diversis remedium quorumdam nominibus ferme respondent. Quis enim nescit, quanta ex. gr. opportuna ventris purgatione commoda salutis adcedant? At qui & crises plurimas observasse contigit expulsa, deiectaque per intestinorum cavitatem nocente materia. Et revera nulla fortasse expurgandis in animali corpore humoribus universis amplior via, faciliorque est: in quam scilicet partes ferme omnes se exonerant, remotae quamvis, longoque distitae partium aliarum intervallo: unde nec imprudenter, nec hyperbolice eos sensisse dicendum est, qui per
 inte-

intestinale fistulam corpus ferme univer-
 sum vel repurgari, vel & consumi, destrui-
 que posse asserverunt. Quod ostendunt pri-
 mo naturalia officia plura atque ea prope-
 modum infinita, ab imi ventris visceribus
 exercenda, quae vel occultam habent, vel
 patentem cum intestinis tuborum quorum-
 dam comunem, iisque mutuo veluti ac-
 tionum foedere coniunguntur. Vnum per-
 pende, atque illud certe maximum, vis-
 cus haepar, quod abdominalis veluti cordis
 loco venae portae subsidio ventri universo
 canales omnes, refluamque circulationem im-
 pertitur. Docebunt porro admirabiles Ruif-
 chii iniectiones, infusum venae illi liberum
 humorem perennem sui pluviam ad intestina
 transfundere, totamque cavitatem irrigare.
 Quid enim de copiosissima bilis utriusque
 separatione dicam, quam sua veluti cir-
 culatione donari iure optimo illustriores
 Medici docuerunt? At vero unam sedulo
 meditare tot circumvolutam rugis intestino-
 rum superficiem, quorum dimensionem to-
 to homine sexies maiorem statuit Anato-
 mia. Quot illico fabricam hanc meditantii
 occurrunt ubicumque hiantium tubulorum
 oscula! Quot secernentium glandularum,
 vel complicatae, vel simplices machinae!
 Quot ergo ex omni corporis parte profluen-
 tium

tium humorum fontes, & derivationes! Quot ergo facile patentes diversis crisi- bus viae!

Sed quae a naturali intestinorum statu indicantur nulla sunt, si cum iis comparerentur, quae non naturalis eorumdem constitutio saepissime demonstravit. Et primo intueri abscessus tot internos, empyema ipsum, per intestinorum cavitatem ignota prorsus via toties expurgatum: funestos Hydropes, invictosque a limpha copiosissima ibidem adfluente feliciter evanescences: morbos demum diversissimos sanguine, aliove fluido per intestina copiosius educto facilimè profligatos; quin & contra diarrhaeae pertinacioris impetu humores prorsus omnes avolantes, & rigidissimam exinde adductam tonicam tabem: adipem denique ipsum per intestina liberalius excretum: quin & insigniora quaedam extranea corpora, solidioraque (1) distractis morbi vi ductibus ad intestinalem fistulam derivata. Quibus omnibus, aliisque huiusmodi, luculenter edocebere nullam fermè esse animalis fabricae partem, quae intestinis, quacumque demum conditione, communionem neget suam; unde infinitis propemodum, crisi- bus aditus per illa multiplex pate-
Libe-

[1] Vid. Tulpii hist. Lib. III. Cap. XV.

Liberalibus quoque variae criseos administrationibus inservit cutis, utpote quae ex toto circulationis ambitu fluidum perpetuo transfert subtilissimum. Cumque, adnotante Boheraavio naturalis sudor adesse supponat vasorum extremorum laxam debilitatem, humorum circulationem aequalem validam, facilem aquae a reliquis sanguinis principiis expeditionem; hinc nulla est, frequentior, securiorque crisis quam quae a sudore dimanat; Ni autem haec natura duce sudoris indicia praefulserint, violenta illum, vel frustra convocabit ars, vel & saepe infelicitur. Quae in animali corpore optimae mutationes, sudorem necessario praeceuntes, dubitationem incutere iure possunt, an Criseos potius effectus dicendus sit sudor, aut saltem succedentis criseos indicium, quod & supra adnotavimus. Quidquid autem id sit, tanta sunt supra reliquas excretiones omnes merita perspirationis, ut morbis pluribus perpetuam veluti crisin adducat aestas, perspirationem promovendo. Aestivae quippe febres, Baglivio admonente, non tantum calori, & immaturo fructuum esui, sed intemperantiae calidi aeris, frigidique tribuendae sunt. Neque supradicta duntaxat a sudore veniunt commoda, quae liberam crisis

bus

bus sternant viam , sed & salium , aliorumque corporum noxiorum multiplex propulsio quibus e corpore sublatis morborum plurium durationes sufferantur necesse est . Quantis autem corpus sudoris beneficio noxiis moleculis expurgetur , docent lintea cutem ambientia , effectus singulares in partibus sudore nimio attritis , nota demum Othonis Tachenii apud indusiorum lotrices experimenta . Hinc ea semper apud Medicos vixit consuetudo , ut in febribus praecipue diaphoresin maximi facerent ; cuius excitandae titulo insana illa , & periculosa methodus adducta est , qua novae semper febribus vires adcederent , intemptivo per artem calore suscitato aegris in hypocausto conclusis , lectoque ad caloris violentiam comparato . Absit quippe , ut eorum temporum infelix memoria suscitetur , in quibus ab omni saepe potu abstinere iussae sunt arescentes licet aegrorum linguae , ne calefacientium remediorum efficaciae quidpiam detraheretur . Quae cum a falsa verae , optimaeque diaphoreseos intelligentia profluerent , prudentiores Medicos , Sydenhamum maximè , suaserunt , calidam ut hanc methodum (ita quippe apud Medicos audit) oppugnaret vehementissimè , atque subverteret , exindeque adcomodandi.

fe-

febris refrigerii, novique aeris experiri-
di nimius fieret fortasse laudator. Non er-
go semper a sudore certa crisis est; quin
primo inopportuni sudoris violentiam crisis
nulla consequitur: secundo qui in ipso mor-
bi exordio fervet, symptomaticus ut plu-
rimum sudor est, humorum copiam indi-
cans, naturae oppressionem, morbi longitu-
dinem: tertio frigidus in acutis internas vis-
cerum inflammationes denotat, &c. (1)

Qui autem haec omnia perpendit &
analogiam considerat eorum quae cum su-
dore secernuntur cum iis, quae diureses be-
neficio excernuntur, non minores certè, quin
& ampliores arbitrabitur expectandas esse
per sudorem crises, quam per urinam. His-
ce omnibus adcedit quod ex ingestorum,
numero infinita propemodum sunt, quae
urinam qualitatibus suis velocissime inficiant,
therebintus, rhabarbarum, asparagus, Co-
paybae Balsamum, &c. (2) Unde inferen-
dum videtur plura, quae sanguini labem
inferant facilius posse per renes, quam a-
lia per organa separari. At accurata, diu-
turnaque rerum observatione constitit mi-
nores, quam quae vulgo iactantur, ab u-
rina

[1] Baglivi de Praxi Medica.

[2] Fuller. Farmacop. Extemporan.

rina crises imminere : de qua nimis praeclare senserunt , nimumque illius inspectioni & Medici doctrinam , & aegri sortem obligarunt , qui e matula tanquam e tripode , tot evomunt portenta sordidi Vromantes (1) . Nam quae ab humoris illius examine inferri possunt iudicia , vel incerta saepe sunt , vel cum praesentibus signis aliis coniungenda . Elegans ea de re testimonium protulit repetitis experimentis illustri Solanus (2) ubi notat solius urinae beneficio nullas sibi crises inspiciendas contigisse , ni vel diarrhoea aliqua , vel simile quidpiam adcederet . Hinc peculiaris criseos ab urina praesagiendae indicia praetermittit , illudque duntaxat animadvertit , quod scilicet , si intermittenti pulsui criticam diarrhoeam indicanti molities additur , crisis diarrhoea comitem per urinas praedicenda sit . Neque tamen inficiandum est ex urina quoque plura ad crises pertinentia derivari pluribus ut in locis Hippocrates , aliique docuerunt : quin & ex illa , uti crisin praedici posse , ita , & morbi periculum , aut pertinaciam . Sic quae rubro colore vehementius inficitur ,

(1) Joh. Rhenani Urocriterium Chymiatricum .

(2) Nihell. de pulsu pag. 7.

tur , vel diuturnum monet adesse morbum vel inflammatoriae labis minas , vel salium magnum apparatus.

Particulares etiam fiunt in morbis varias ad partes criticae depositiones , tuberculis , abscessibus , tumoribus diverso in loco adnascentibus , morbosamque materiam includentibus , ab iis deinde mutatione quam eiciendam , quod crisis ideam parit . Sic post acutas febres exoriri aliquando sub auribus intuemur eminentes tumores quospiam , quos ab occupato situ parotides vocant . Fiunt hae quotiescumque transmissa per arterias fluida , nullum in lymphatica , & venas sanguineas exitum invenientia primo in aditu conquiescunt . Raras autem ab iis promitti faustas crises docuisse videtur Hippocrates in Coacis praenotionibus (1) ubi tot ad felicem earundem terminum obtinendum exhibet conditiones . Id certe frequens ostendit experientia parotidum superincumbentium mole comprimi venas insigniores a cerebro refluas , cerebri ipsius actiones perturbari , phaenomena suscitari apoplexiae similia , surditatem vero saepissime ab iis exoriri . Quo loco liceat dubitare verè ne senserint insigniores ceteroquin practici optimam

[1] Num. 205. Charter. Tom. 5, pag. 563.

mam in acutis surditatem esse praedicantes :
 quae nimirum non a critica quadam caus-
 sa repetenda sit , sed potius a nervosi sy-
 stematis debilitate , cum ab acutis febribus
 sensuum organa omnia facile labefactentur ,
 neque auditus solum , sed & olfactus , vi-
 susque , & tactus ipse acutorum morborum-
 vi per tempus aliquando depraventur . Quod
 si surditate adcedente remissiores morbi qui-
 dam facti sunt , fecit id temporis opportu-
 nitas , extrema nimirum desinentis morbi
 periodus , quae universalem machinae de-
 bilitatem sociam habet . At recte quidem
 de parotide licet augurari quae die critico
 insurgit , quae aliis coctionis effectibus adiun-
 gitur , quae molis tantae non est , ut ab
 affecta parte nequeat sustineri , neque ta-
 men & adeo tenuis , ut morbosam materiem
 totam nequeat continere , quae demum ne-
 que nimio rubore , neque nimio dolore ve-
 hementioris morbi prodat argumentum .
 Quod si naturam ea in crisi laboriosam
 periculosa parotis ostendat , timoremque po-
 tius quam spem incutere videatur , tum
 adiuvere opus omne oportet laxantibus fo-
 mentis aperientibus , vel si necessitas urgeat
 ferro aut suppurantibus . Quin & egre-
 gium , Baglivii testimonio , saepe praestant
 usum gargarismata , aut quaecumque co-
 pio-

piofiozem excitant expuitionem : a quibus
 fcilicet emunguntur excretoria glandularum
 oris vafa , a quorum concreta limpha non
 infrequenter fine ullo aegri commodo pa-
 rotides exoriuntur . Quae omnia in id uni-
 ce confpirant , ut apparentis difficilis crifeos
 obftacula fufferantur & altera naturae prae-
 fto fit per artem manus . Parotidem hoc
 loco duntaxat adduximus velut exemplum
 crifeos per abfcelfum , tumoremve inftituen-
 dae : at quia nulla pars eft , quae vitiis hif-
 ce non affligatur , multi ergo , diverfique
 iuxta morbi depofitionem effe poterunt cri-
 tici tumores abfcelfusque : de quibus id ad-
 notandum difficilem ab iis obtineri poffe
 crifim , ni primò in parte ignobili exorian-
 tur , aut quae faltem affectam morbo par-
 tem facile fublever . Secundo ni fiat per
 concoctam materiem , neque morbi violen-
 tia fine lege propulfam : quo in cafu fi
 non mors , morbi faltem metuenda eft lon-
 gitudò , & imminentis perpetuo periculi
 diuturnus timor . Tertio ni in aliqua par-
 te fiat , in qua morbosa materies consumi
 tota , difperdique poteft . At vero in febri-
 bus maxime inexpectatae crifes , optima-
 que per abfcelfus exortae funt : qua in re
 ftudium certe medicae praxeos abfolutiffi-
 mum , elegansque redolent Gerardi Van-

Swieten observationes (1); quae omnino consulendae. Id ergo notat illustris Autor *In febribus aliquando verum pus, & magna quidem copia deponi satis subito in quasdam partes corporis, atque inde eductum fuisse, licet nulla inflammatio in his partibus praegressa fuisset, & nulla signa docuissent in aliis corporis locis pus illud collectum latuisse prius quod dein venis resorptum ad alia loca deponi potuisset &c.* Hinc egregie infert causam materiale febris per febrem sic subigi, & mutari posse ut puris analogam naturam acquirat, licet adhuc cum reliquis humoribus per vasa fluat, & deinde deponi illud pus iam factum in quaedam loca corporis: Non vero illud gigni in illis partibus, in quibus collectum invenitur. Quod & concordet, satis, superque suadere videntur Veterum observationes.

At quis immensam Crisium diversitatem numerare possit, aut in iis extruendis naturae potentiam, auctoritatemque definire? Quid enim cutaneas efflorescentias, erysipelata, variolas, petechias, morbillos, purpuram variam, aliaque huiusmodi exponam, quibus arescit exterior cutis? Quid vel con-

sue-

(1) In Comment. Boher. ad num. 593. ubi de morb. internis, & de febrib. in gener.

sueto , vel & insueto viarum cursu longius
 effluentes aliquando haemorrhagias? Quid op-
 portunam saepe , amicamque pathematum
 improvisorum spei , timoris , irae , violen-
 tiam ? Fuerunt quoque qui secundam sem-
 per experti fortunam contrariis etiam prin-
 cipiis , viribusque levamen morbi suscepe-
 runt . Sic insolito corporis motu concus-
 sus , laxatusque anasarca in criticos aqua-
 rum effluxus erupit : sic hautio liberalius
 quod ignoraret vino , ab ardenti febre revi-
 xit quispiam : sic incurabili tumore oppres-
 sus , bellico sclopeto fortunatè ictus , apo-
 stemate suo , repurgatus est : Sic deni-
 que Aufonio admonente , cum fata volue-
 rint ipsa & venena profuerunt . Quis au-
 tem non admiretur , quanta sit in absolven-
 dis crisis quibusdam naturae constantia ,
 quae nimirum impropriis , quin & pericu-
 losis frequenter obluetur medicamentis , &
 perniciose importunae artis praesidia repel-
 lat? Sic de homine legitur ecchymate la-
 borante , cui cum sanguis e gingivis erum-
 peret , eo per artem represso ad urinarios
 canales translatus est : Cum vero cruenta
 urina adstringentibus ab importuno medi-
 co , insipientique cohiberetur , iterum ad gin-
 givas se contulit , neque ab iis recessit uspiam

donec a morbo aeger evasit immunis (1).

VIII. Quem huc usque protulimus in moliendis crisi- bus naturae luxum, & varietatem diversa praeveniunt indicia, quorum Medicis omnibus necessaria maximè cognitio est. Hinc noti sunt in re medica dies indices, ii scilicet, in quibus phaenomena insurgunt instantem crism praesagientia. Exponenda ergo sunt phaenomena illa: quae quidem pro peculiaribus diversis criticis secretionibus peculiaribus, & diversa sunt. Per parotides ex. gr. futuram facile crism praenosces, si bombylus aurium, & surditas cum cephalaea praeter spem advenerit; vel si ea appareant, quae Galenus (2) animadvertit, quod scilicet nisi pertinax fuerit morbus, & subita difficultas anhelitus adcedat, deinde cesset, illamque consequatur gravitas, & dolor capitis, somnus gravis, & surditas, necesse est, ut in glandulis post aures parotides adsurgant. Per haemorrhagiam si colli, capitisque dolor adsit, si gravitatis sensus circa tempora, si faciei rubor, si leves adcessionis veluti vertiginis, si oculorum caligo, & splendor, si aetas juvenilis, plethora consuetudo, si pul-

(1) Dodonaeus observ. XIV.

(2) III. de Crisibus Cap. XI.

si pulsus dicrotus (1), seu bis feriens, ut a Veteribus nuncupatur. Per haemorrhoidas si familiaris sit aegro excretio illa: si aestus adveniat circa spinam dorsi, dolor, & tensio lumborum; ex signis denique aegro confectis, notisque, quotiescumque vel in naturali statu haemorrhoidibus occupari solet. Per menstruam purgationem si hypogastrii, lumborumque gravitas insurgat, vel dolor, & incalescentia: si ea vigeant incommoda, quae foeminae illi ante menstruam purgationem familiaria esse consueverunt. Per alvi fluxum si ructus, flatus, lumborum dolor, inflatio ventris, stimuli intestinales, pulsus intermittens: cui si adiungatur arteriae tensio, vomitus criticus diarrhoeae coniungetur: qua opportunitate aderunt quoque ventriculi puncturae, tensiones, inflatio, nausea, vertigines breves, & tenebricationes oculorum

D 3

(1) Si quis apud Recentiores de praenoscendarum crifum methodo optimè meritus est, is certè est Hispanus Solano: Is novas omninò, pulcherrimasque a pulsu desumptas obtulit observationes magno edito volumine, cui titulus *lapis lydius Apollinis*. Diversitas autem quantitatis, vel temporis excretionum criticarum praenoscitur diversis quibusdam ab ipso expositis conditionibus. Ex quibus plura deprompsit Jacobus Nihell raro exemplo ex Anglia in Hispaniam ea de causa profectus, vulgatoque Anglica lingua libro in latinam deinde translato cui titulus *novae, rariaeque observationes circa crifum praedictionem expulsi &c.*

rum aliquando & sensus frigoris ad ilia & tenuissimae expuitionis necessaria voluptas. Per sudorem, si pulsus mollis magnus in pulsatione inaequaliter increescens, quem inciduum vocant: si urinae diminuantur: si contactus corporis vaporosi mollis, si in exteriori cutis superficie moderatus calor: si aequalis, neque nimis violenta circulatio; qua nimirum symptomatici potius, vel particulares exsurgant sudores necesse est. Atque hic animadvertendum difficultatem pluribus fecisse qui in sectione quarta occurrit quinquagesimum octavum Hippocratis aphorismum. Ibi ergo notat Divinus Senex febris ardentis rigore superveniente fieri solutionem; cum purulentae, potius materiei cutem irritantis, & vehementioris inflammationis, contractionisve solidorum indicium prodere consueverit rigor. Sed egregie nodum omnem explicant elegantiores interpretes a rigore illo indicari docentes falsam materiem fluidissimam, quae cutim vellicet, sudoremque componat noxiis refertum particulis fausto semper omine avolantibus.

Cum autem infinitae propemodum sint crismus viae, nimium nostra produceretur oratio, si indicia singularum exponenda aggrederemur. Id ergo unum animadvertimus fieri

feri saepissimè crises per consuetas quasdam, & plerisque notas proprii corporis depositiones. Quamobrem de iis sedulo instruatur Medicus necesse est: neque id solum, ut usitatam naturae methodum promoveat, notisque determinatae fabricae legibus inhaereat, & faciliorem proinde crisin advocet, sed ut cricum ipsarum praesagia vulgaturus, securiores habeat artis indicationes. Sed ea omnia diuturnae duntaxat experientiae face is unice occupabit, qui difficillima delicato sensui Medicae praeceos fastidia delicias faciat suas, neque nosocomiorum squallore, & foetida exhalatione inhorrescat.

Vidimus iam quibus in animali corpore legibus instituantur crises, quam non in aegris modo, sed & in iis etiam, qui integrae valetudinis beneficio, constantiaque frui desiderant, necessariae illae sint, frequentesque, quam & brevi morbo & diuturno communes sint, quam de iis vel dirigendis, vel opportunè advocandis curiosi esse debeant Medici prudentiores, quae rerum cognitione, doctrinaque morbosa symptomata a criticis distinguenda sint, quae perfectarum cricum, quae imperfectarum numero inferendae, qui varius in excitandis cricibus beneficae naturae luxus sit, & amplitu-

plitudo, quae demum crises omnes indicia praeveniant. Neque tamen hisce capitibus omnibus exhausta penitus, & manifesta est crifum intelligentia. Illud ergo diligenti examine perquirendum superest obtinendis ne crifibus huiusmodi certae dies, stabilesque destinatae sint, an incerta dierum illarum lege, numerove, perfecta quamvis, & successiva actionum serie, ut in ceteris omnibus, ita in Crifum negotio, suum natura opus adminifret. Quoniam vero, antiquiorum maximè, & recentiorum plurium opinione, certae crifibus dies designatae sunt, quae idcirco criticae audiunt, vel decretoriae, liceat opinionis illius historiam omnem, & principia retegere, quo sententiae eiusdem vel dubia veritas, vel manifesta, luculentius innotescat.

IX. Eiusmodi provinciam apud Veteres implevit omnino Claudius Galenus tractatu de diebus decretoriis, in quo non solum doctrinae huiusce praecepta referuntur, sed & sectarum quarumcumque nomina, aut hominum, Hippocraticae licet scientiae infensorum, qui sententiae de diebus criticis lubenti animo subscripserunt, postquam suis illam Hippocrates aut scriptis, aut colloquiis publicam reddiderat. Hippocrates ergo, & qui eius opera liberali interpretationum
 copia

copia vel illustravit , vel & aliquando ob-
 scuravit, Galenus, dierum criticorum seriem
 & partitiones quatuor potissimum classibus
 contineri docuerunt. Primo enim die quas-
 dam absolutè, integreque criticos appella-
 runt , & illos quidem semper ferme impa-
 res , inter quos septimus maxime , & de-
 cimus quartus . Secundo alios nuncuparunt
 praenuncios , seu futuram crism indicantes ,
 uti quartus, undecimus, decimus septimus,
 &c. in quibus scilicet crises determinato quo-
 dam septenario , aliterve successurae prae-
 noscuntur . Tertio intercidentes , qui scili-
 cet eo intervallo continentur , quodcumque
 est, inter absolutae criticos , & indices , ut
 tertius , quintus , nonus , &c. Quarto de-
 mum inanes vacuos , seu Medicinales , qui
 nempe remediorum quorumcumque usui , a-
 ctionique securam praestant opportunitatem.
 Neque enim loqui lubet de insulsa , quae
 Dioclem inter, Galenumque tamdiu vixit dis-
 putatione , cum vel primam diem inter cri-
 ticas numerasset Diocles , earum febrium ob-
 servatione ductus , quae una die conclu-
 duntur , negaret Galenus , quod a rerum,
 non naturalium vitio ephemeris exoriri sem-
 per crederet; quasi vero & ab exterioribus
 causis ephemera saepe non exoriretur , &
 veluti

veluti critica praedicari ea ipsa dies possit, sub qua morbus nascitur.

Alterum doctrinae de crisi bus canonem tradidisse videtur Hippocrates Epidem : libro tertio , ubi docet , quod si imparibus diebus morbi fiat incrementum , impari die succedet crisis ; si autem id fiat paribus , pari die aderit Crisis . Canonem hunc adductis in supralaudato libro observationibus , exemplisque confirmat . Ibi enim de Laryssea Virgine sermo est , quae pari semper dierum numero doloribus occupata , die morbi sexta crisis beneficio pristinae valetudini restituta est . Ibi Philiscum offendens sexagesima die morientem , qui paribus antea diebus morbi tulerat incrementum ; Pythionem , cui vehementior paribus diebus morbus insurgeret , die decima a morbo ipso immunem , &c. Ex quibus , aliisque Divini Senis observationibus deducendum videtur criticae diei praedictionem non raro esse repetendam ab observatione diei , in qua validior morbus fuit . Alia quoque est pro paribus diebus Galeni , & Hippocratis observatio , quam & superius exposuimus , ubi egimus de crisi morborum chronicorum . Ibi itaque ex Veterum praeceptis adnotamus chronicorum morborum solutionem non septenario numero , sed vicenario

con-

contineri . Iam ergo hisce suppositis inconstans est acutorum crisis , quae nimirum modo paribus accidat , modo imparibus diebus , constans chronicorum , quae scilicet paribus semper diebus obtinenda sit , cum morbi omnes , qui a quadragesimo ad centesimum , & vigesimum progrediuntur , vigesimi semper , paris scilicet numeri gradu , ex Hippocrate , Galenoque dissolvantur .

X. Quoniam vero vulgari adagio notum est quot homines, tot esse sententias, hinc vix ex antiquioribus nonnullos pro criticis diebus decertantes audieris, totidem iisdem fermè saeculis ex alia parte offendes, criticorum dierum potentiam, sacrumque nomen irridentes . Nonne enim Herophilus spectatissimae apud Veteres doctrinae Medicus in Hippocratis praecepta de prognosi, & crisis acerrimè disputavit? Quanta etiam in hac re est Asclepiadis auctoritas, qui modesta Medicae praxeos elegantia, & simplicitate, de facili pharmacorum plurium fide, & futili pompa sapienter, portentisque, primus fortasse dubitavit? At qui illum criticorum dierum merita nihili fecisse notat Coelius Aurelianus: *Neque enim esse in passionibus statos dies, quos criticos vocant*

vocant, neque certo, aut legitimo tempore aegritudines solvi (1).

Cum autem sapientiam saepe, saepe, & errorem a Veteribus hauserint ex recentioribus plurimi, hinc non solum varia est nostris hisce saeculis dierum criticorum fides atque fortuna, sed & receptas a nonnullis intuemur, commendatasque futes ea de re doctrinas plures ac planè superstitionas. Quod autem rem omnem sedulò perpendenti perpetuam facit admirationem illud est, quod inconstans adeo, & diversa, doctrina ab observatione profluxerit, idque passim fateantur ex Medicis plurimi, atque ii quidem neque indocti, neque mendaces nihil se de criticis diebus asserendum censuisse, nisi quod observaverint. Quodcumque porro aut nostris, aut remotis antea saeculis Philosophi ferme omnes, exigua licet diversitate, statuerant tamen, ac veluti definiverant, audacter invertit, destruitque Hieronymus Fracastorius, ubi quartos duntaxat dies crisi bus consecratos esse docuit, sententiaeque prorsus singulari causam adcomodavit omnino singularem (2). Crisium quippe quarumcumque originem in humo-
ris

(1) Ex C. Aurel. Lib. I. Cap. XIV.

(2) Tract. de Causis dier. Critic.

ris melancholici motu, nescio quo, constituit, motumque illum quarta duntaxat die fieri contendit.

Si Criticorum dierum methodici fautores cum illis aut numero, aut scientia comparentur, qui liberiore animo, naturam legibus iis immunem esse voluerunt, patebit facile dubiam esse, quae ab autoritate repetenda sit quaestionis solutionem. Cum enim solemne semper fuerit perpetua humanam scientiam vigere discordia, hinc plurimos uno, eodemque tempore critici dies habuerunt & patronos, & oppugnatores: qui ne antiquorum fidei, castisque observationibus quidpiam detrahere viderentur, quas aut negligere, aut veluti falsas improbare nemo possit cresium merita omnia diversi aeris perfectioni, puriorique coelo tribuerunt. Neque enim dubitare se profitentur in Graecia ex. gr. aliisque regionibus huiusmodi determinato quodam ordine successisse crises, suis idipsum tamen in terris variam exhibentibus temperiem negant usuvenire. Sic Hippocraticae, ea de re doctrinae interpretes Hollerius in. frigidis, & borealibus regionibus rarius expectari notat exactas criticas evacuationes (1).

Wal-

[1] Videantur quae Wedelius hanc in rem animadvertit de temp. regionum differt. de dieb. criticis.

Waldschmidius quoque de Crisi loquens notat praeter cetera popularium suorum praedictiones in morbis acutis non adeo certas esse, prout apud Hippocratem inveniuntur (1). Quin & Baglivius antiquioris criticae methodi veluti causam effert *puriores Graeciae aerem, & viciniam adiacentis orientis valde elastici humores purificantis, contra ac succedit in septentrionalibus regionibus* (2). Cui consonat Eischadius (3) inquit „ *in differentibus Germaniae nostrae partibus raro perfectae fiunt crises, & quae morbum omnino sufferrant*. Atque hi quidem si non apud omnes, apud quasdam saltem gentes faustam illam cresium historiam cum Veteribus admitti posse concedunt, cum contra alii plures determinatam illam dierum criticorum connexionem, fortunamque vel in graeco aere derideant. Leges, sis, quae in elementis Medicinae Physico-Mathematicis profert Archibaldus Pirccarnius: quae in crises nimis fortasse audax oblatrat Helmontius (4) doctrinae illi adeo infensus, ut quos in adolescentia de crisis exposuerat libros quinque, Vulcano se sapienter obtulisse gloriatur:

[1] In fundam. Medicin.

[2] In prax. Medic. pag. 140.

[3] Praed. astron. Sect. III.

[4] Cap. de Temp. pag. 509.

63

tur: quae de constanti illa dierum serie, negligenda animadvertit Laurentius Bellinus nullum licet sit gravissimi scriptoris argumentum ex diversa apud diversas gentes dierum periodo, & longitudine desumptum (1).

XI. Neque id sane mirum, aut singulare videbitur perpendenti instabilem, variamque esse, quin & aliquando sibi ipsi contrariam Veterum de diebus criticis intelligentiam, doctrinamque. Quod primo diversa conditione fieri minime poterat, cum inconstantem saepe, neque certam (idque iure optimo) suponerent dierum illorum causam; nam vel ab exteriori origine, facileque variis extrinsecorum corporum actionibus crises quascumque diverti, mutarique posse docuerunt: quin & ipsi plurimum ea in re atmosphaerae esse tribuendum. Hinc Medicos non infrequenter monet Hippocrates, morbos faciles iudicatu fieri, si tempestates naturales sint (2). Quantis porro varietatum titulis servile iugum praestare cogentur potentes illi dies, quos facile mille res turbant! At quae nam Deus bone! apud antiquiores est dierum criticorum determinata semper enumeratio? Nonne

(1) De miss. sang. prop. X. pag. 180.

(2) Lib. II. Epidem. paragr. XX.

ne diversa eorundem documenta pervolenti, constat luculentissime non impares modo, non septenarios, sed nullos omnino esse dies, qui salutarium dierum numero, atque officio expungantur? Primo enim pares dies omnes criticos esse posse dixerunt, si pari die morborum fierent incrementa (1). Iam ergo ex ipso Veterum testimonio, quantae contra imparem numerum disceptandi opportunitates insurgunt? Aut quae unquam aegro corpori dies elucebit, quae criticae diei titulo, meritisque destituatur? Sed ulterius adhuc producta res est, neque solum certi quidam dies veluti salutes inscripti, sed ex iis quoque aliis digniores alii, minusve digni, ita ut crisis optima septimo, & decimoquarto ex. gr. minus integra, nono ex. gr. & decimo quinto fieri supponatur. Quantae igitur pro tractis tam austero ordine adeo methodicae doctrinae divisionibus, admittendae iam sunt in ipso impari die criticarum legum determinatae varietates! Lepidum certe sibi negotium imponit Claudinus, ubi necessarias dierum quarundam actiones, effectusque laboriosa partitione definire contendens, in ea disputatione totus est, ut singulo-

(1) Epidem. Lib. III.

gulorum dierum criticorum variam dignitatem, viresque demonstret. Quod a Graecorum praeceptis haustum videtur, a Galeno maximè, qui catalogum exhibet dierum magis, minusve perniciosarum. Quam enim in sextam diem violenta est Galeni Rhetorica, ubi dierum criticorum, septimi praesertim naturam, & proprietates effert, sextum infidum, & suspectum vocat, & hunc tyranno devastatori, illum Regi benefico comparandum esse contendit. Atqui contraria prorsus observatione Hippocrates vernos quosdam morbos describit, quorum opportuna crisis sexta duntaxat, vel octava die constanter insurgeret (1). Quae & apud Neotericos plures occurrunt, quorum aliquis praecipuè de febre Eboracensi epidemica id notat, faustum febris huiusce terminum circa sextam diem sudoris auxilio contigisse; At superiori anno similem febrem, longiore tamen cursu productam, die duodecima delirio saepè adcedente, supremam aegris diem attulisse (2).

Verum enim vero cum tot se legibus adstrixissent dierum criticorum methodici propugnatores, grave adeo iugum inesse

E

sibi

(1) VI. Epidem. III. XXII.

(2) Winteringhamus in Commentario Nosologico.

sibi non sentientes, cogente tamen frequentius quam puturant, rei necessitate, paulatim oppositam omnino viam inierunt, nullisque tandem legibus obtemperarunt. Et primo servitute omni excussa, quam liber, quam vinculis expeditus suis exultat Galenus, docens crises omnibus diebus accidere, licet neque pares numero, neque aequali fide (1)! Quantas autem sibi met ipsi turbas excitat, ubi Hippocratis, aliorumque doctrinam explanare nititur, qui post decimum quartum, non vigesimum primum modo, sed & vigesimum criticum nuncuparunt! Nam difficultati illi obicem facturus, Lunarisi periodi doctrinam in subsidium vocat, ex qua deducatur unum, & viginti dies integros hebdomadis tribus minime contineri (2). Quae si ea lege supputanda sint, vides quantum & decimi quarti, & aliorum dierum plurimum austeræ supputationi detrhai possit. Nec imperfectè minus eidem se difficultati subdixit Hippocrates, hac opportunitate admonens septimanas supputandas non esse integras, sicuti nec dies, nec annos: Vnde vigesimus, tribus licet constet imperfectis
 septe-

[1] De dieb decret. Lib. I. Cap. II.

[2] Ibidem Lib. III.

septenariis , dignior tamen criticus sit . Neque enim insulas in tricis hisce conciliandis , at laboriosè congestas , aliorum plurium doctrinas exponam , in quibus licet insudaverint aetatum quarumcumque Medici , tricis tamen illis vel parum expeditum iter vel & abstrusius effecerunt . Ex quibus omnibus inferendum facile est quanta iam sit ex ipso Veterum testimonio , quacumque demum die , crismus libertas , quam vasto illae campo exultare , spatarique possint . At vero Galeni semper , Hippocratisque doctrinae tenacius inhaerentes (utpote qui criticorum dierum velut antesignani , fautoresque principes supponuntur) ostendamus duo illa antiquioris Medicinae lumina in aptiore crismus die determinanda nullam sibi legem imposuisse . Quod enim ad Hippocratem attinet , si eius opera diligenter evolvantur , innumerae occurrent aegrorum historiae , in quibus referatur die sexta , octava , aliisque non criticis , criticum tamen sudorem , aliamve crisin adfuisse . Quid quod varius est , sibi que saepè diversus Hippocrates ipse in diebus hisce numerandis . Qua de re ut alia omittam exempla plurima nostro hoc in opere passim reperiunda , sufficiat Aphorismus trigessimus sextus sectionis quartae ,

qui plurimum interpretibus negotium fecit de Hippocrate, neque id fortasse desiderante, sibi tamen semper conciliando nimium profectò curiosis. In eo ergo consuetae criticos dies numerandi methodo abdicasse videtur Hippocrates. cum quartum praetermittat, & vigesimi loco numeret vigesimum primum, neque de quadragesimo verba faciat, quam ergo veluti non criticum respuat. Quid plura? Galenus ipse pertinax adeo Hippocratis, dierumque criticorum propugnator, utrisque improvise valedicit, docens contra comunem ea tempestate sententiam, febres continuas acutissimas nunquam quarto die solvi, neque tamen, uspiam ante tertium, quintumve (1). Sed ut ea omnia luculentius innotescant, memoria revocanda sunt, quae de Crisi morborum chronicorum differentes animadvertimus, eos nempe morbos, qui ultra quadragesimum persistunt Antiquiorum monito non septenario numero, sed vicenario, terminari; Eos autem, qui ultra centesimum, & vigesimum, nulla iam amplius dierum lege dissolvi, sed annorum, mensiumque.

Iam ergo ultimus hic adesse tibi vide-

(1) De Crisibus III.

debitur regnantis huc usque imparis numeri terminus: hic superba planè, & diuturna eius autoritas extincta prorsus, atque confepulta. Atqui tua te fallit opinio. Vix enim septenario dierum numero expeditum te esse gestis, gravioribus annorum, mensiumque septenariis obrutum te rursus esse senties, atque involutum. Hinc plurimas in pueris affectiones iudicari audies alias in quadraginta diebus, alias in septem annis &c. (1) Quae tamen si rigido sensu, & numeratione conferenda sint, videbis profecto quam variis conditionibus septenarii numeri recto ordini, integroque detrhai oporteat, & inaequali saepe, imperfectoque, menses, annosque septenario definiri. Quamobrem nullam praeceptis iis numerorum legem contineri putandum est, sed morborum duntaxat, eorumque solutionis periodum quodam termino circumscriptam, ut patebit inferius.

XII. At esto sibi semper aequales, constantesque fuerint in determinandis criticis diebus Hippocrates, Galenus, aliique: Esto hos potius, quam alios crisi instituendae dies consecraverint. Portum adhuc non occupasti; Nova iterum obrueris irruentium opi-

E 3

nio-

(1) Aph. XXVIII, sect. III.

nionum turba, & contrarietate. Unde ergo in enumerandis diebus hisce repetendum esse principium arbitraris? Advocanda rursus est in subsidium Antiquiorum, Recentiorumve doctrina, de qua tamen superstes adhuc triumphet plurima difficultas. A morbi principio, inquires, dies hi numerandi sunt: ea tamen methodo minimè nodum omnem expediri senties. Praeveniunt quippe morbos plerosque varia valetudinis manifesta incommoda, quae morbum aliquem constituunt, vel ea symptomata, ex quibus morbus quispiam componitur, tam exigua in sui exordio aliquando sunt, ut a morbi accusatione, & infamia liberentur, vel intermedio quodam perfectae veluti inactionis spatio conquiescunt, ut ignorandum relinquant, idem ne vigeat morbus, an alter alteri successerit, vel demum ab iteratis diversi morbi effectibus insurgunt, & duplicis veluti morbi forma reviviscunt. Quid enim divisionibus alijs pluribus molestus tibi, longiorve sim? Rem itaque omnem expediam uno, alterove exemplo, & quidem ab Hippocrate ipso deprompto. Qui ergo numerari iubes febris diem, quae morbo alteri supervenerit? Hippocrates certe in Epidemicis, alibique symptomaticae febris initium definiturus ancipitem semper ea de re, variamque

que doctrinam exposuit. Febres quippe partui supervenientes numerandas esse docet nunc a primo partus die antequam febris ulla adfuerit, nunc a prima die febris ipsius. Atque in libro, quem de vulneribus inscribit, manifestè docet febrem vulneri supervenientem non ab ipsius febris primo partu, sed a die vulneris esse numerandam. Sed haec aliaque nullius ferme momenti sunt, si ad eorum sententiam converti lubeat, qui morborum quorundam exordium ab aegri decubitu repetendum esse censuerunt; quasi vero nullus uspiam erecto homini, aut incedenti inesset morbus, neque iustam conlabentis valetudinis querimoniam facere quispiam posset, qui non e lecto quereretur. Postremo quantae illud incuriae, negligentiaeque est in adeo methodicis crismum propugnatoribus, quod criticorum dierum initia, sineve per aequivocos saepe numeros, variique sensus ideas consulto definiverint. Nam si rigidiores naturae leges, & circumscriptam dierum normam perpetuo crepas, quid amabò sibi volunt frequenter occurrentes voces illae quartam inter, quintamve diem, octava die, septimave, circa septimam diem, & similia? Iam ergo prima illa dilectae doctrinae semina memoriae exciderunt tuae:

Iam nulli per te dies sunt, qui critici non sint. Quae enim, exempli caussa, circa septimam diem insurgit crisis, ad sextam diem referenda est: Quae octava die, vel septima, incertam sui laudem relinquet: quae quartam inter, quintamve anceps ex utrisque meritum, aut aequale mutabitur. Quae fortasse critica mente pervolventes illustriores Practici de cresium tempore locuturi, vocibus iis usi semper sunt, quae indefinitum dierum terminum complecterentur; unde circa datam quampiam diem, aliamve huic proximam vel advenisse crises indicarunt, vel futuras praedixerunt. Eiusmodi est, plures ut alias omittam, Pisanae febris epidemicae biliosae anni 1661. descriptio, quae occurrit in vita Malpighii posthumis eiusdem operibus adnexa. Ibi enim legere est febris huiusce terminum, circa decimam quartam, vel decimam, vel duodecimam diem contigisse, ni celeriolem, salubremque morbi solutionem adduxisset praecedens diarrhoea. Ii ergo omnes cresium negotium indefinito tempore committentes dierum, quorundam vinculo, & necessitati se subdixerunt.

At vero in nugis hisce nimis exultare ne videar, inquirendum potius est unde profluxerit imparium dierum supra pares

res tam facile iactata autoritas. Sciendum ergo est, apud omnes ferme gentes, quin & ante ipsam facile Medicinam antiquissimam fuisse imparis numeri, septimi praefertim, in re quacumque potestatem; unde impar numerus masculae virtutis esse dicebatur, Diisque proprius, utpote qui naturae immortalis sit, quia dividi integer nequeat, par numerus, mortalis, quia dividi possit. Sic qui primum imparis arithmeticae gradum occupat, ternarius numerus *Τρίας* nuncupatus, apud Aristotelem, naturae veluti lex est, qua naturalia omnia absolvantur (1). Quin & multo ante Aristotelem, ampliori dignitatis titulo apud antiquiores illustratus occurrit, utpote qui Divinitati consecratur, a qua scilicet initium, & medium, & finis est. Hinc omnium ferme Deorum potestas triplici (2) signo

(1) Aristot. de coelo cap. I.

(2) Videantur Servii adnotationes in Virgilii Eclog. VIII. versu 75.

*Terna tibi haec primum triplici diversa colore
Lilia circumdo, terque haec altaria circum
Effigiem duco: numero Deus impare gaudet.*

Videantur etiam quae de ternario numero animadvertit Linus Colucius Salutatus Epistol. part. 2. Epist. I. Innocentio VII. inscripta, ubi de novem Cardinalium in conclavi congregatorum numero.

gno indicatur, trifidum cum sit Iovis fulmen, Neptuni tridens, Plutonis Canis tri-ceps, Parcae, Furiae, Musae ternae. Sed im-pares inter numeros, nullus famae celebri-tate septimo comparandus est, quem & *in bono & in malo* omnium potentissimum ae-tas primaeva iudicavit. Nulla enim toto orbe terrarum recenseri gens potest, homi-nes ferme nulli, non Aegyptii, non Chal-daei, non Graeci, non Arabes, apud quos commendata maxime non fuerit, exculta-que septenarii numeri dignitas & amplitu-do. Quid autem de eo praeclarius excogi-tari unquam poterat, quam quod integer, perfectusque numerus diceretur? Quod ab illo duntaxat armoniae cuiuscumque ratio-nes omnes, canonesque profluere crederen-tur? Si vero ad rem Medicam, de qua unicè in praesenti curiosi sumus ea omnia traducantur, incredibile est, quantum fue-rit semper apud Medicos numeri illius im-perium, & autoritas. Quod quidem Ari-stoteles, omnium maxime, Hippocratesque praestitisse visi sunt, quorum alter numero illi tam multa tribuit (1); quod singulis septenariis mutationes plurimas contingere definiverit, alter, quod (2) non aetates so-lum

(1) In histor. animalium.

(2) Lib. de principiis, & alibi.

lum hominis, sed & Physicas actiones plures septenario velut obligari, continerique demonstraverit. Quis autem scholarum principum duarum, tantorumque hominum, quos iure optimo aetas unaquaeque venerata est, autoritate frangi, se abripique non ultro fateatur? Postremo quanta cum severitate praeceptis hisce inhaeserunt Medici nostra hac aetate spectatissimi: *Ter septima hebdomada Embryo in utero primum motum edit* (1), & *sex septima ad partum est paratus*. *Septimo mense dentes exitum moliuntur*, *bis septimo stomachus cibum capere potest*; *ter septimo pedes in incessu*, & *lingua in loquela officio fungi incipiunt*. *Septimo anno primi decidunt dentes*, *mentisque operationes se exerunt*; *bis septimo anno pili in pube crescunt*, & *in utroque sexu potentia generandi accedit* &c. Sic procedit insignis Autor ad annum usque quadragesimum nonum, quo corporis robur sensim diminuitur, in foeminis mensium fluxus subsistit, in viris potentia generandi deficit &c.

Postremo quis ignorat climactericorum annorum funestum ignaris auribus nomen, septenarii semper numeri multiplicatione,
recen

[1] Frid. Hoffmannus de aetat. mutatione morbi causa, & remedio.

recenseri ? Quae cum ita sint videndum, porro quae tantae in septenario numero dignitatis, autoritatisque fuerint exordia, quibus ille documentis exorneretur. Cui sanè iniuriam fecerunt ii, qui Cabbalisticam Philosophiam in medium adduxere, & restitutam per Cornelium Agrippam insulsa dogmata, a quibus dierum criticorum, & numerorum quorumcumque vis exordiretur; cum ea omnia multo ante Cabbalisticam Philosophiam plurimarum gentium linguas, animosque occupassent, & praeclarè nimis de secta illa sensisse visi sint, qui tantam eius famam fuisse censuerunt, ipsa ut doctrinae Medicae prima semina constituere, tantaque cum libertate definire potuerit (1). An ergo prudentius ees cogitasse dicendum est, qui a Pythagoricae primum, deinde & Platonicae scholae celebritate rem omnem deducendam esse voluerunt. *Pythagoras quippe in Aegypto nutritus, ubi omnia exhibebantur per figuras, & terminos Geometricos & Arithmeticos de spiritali mundo, & naturali numerorum Symbolis philosophatus est. Quid autem per eos intellexerit possibile non est divina.*

[1] V. Brucker Hist. crit. Phil. Tom. IV. part. 1. Cap. IV. ubi & alia contra cabbalisticos fautores argumenta profert.

vinare, cum arcana fuerit methodus docendi
 expresse ut paucis innotesceret: cum fata-
 Philosophiae Pythagoricae cum ipso ferme ma-
 gistro extinctae illam non produxerint (1). At-
 qui & Divinus Plato a Pythagoricis Meta-
 phisicae, & Theologiae praeceptis imbutus
 est, & Pythagorae numeros idem omni-
 no esse, ac Platonis ideas eruditiorum om-
 nium opinione constat (2). At vero quanta-
 cumque demum fuerit Pythagorae fama,
 parum tamen Hippocraticas illa terras per-
 vasisit, in quibus corpuscularis potius Ana-
 xagorae, Democriti, Leucippi, aliorumque
 huiusmodi Philosophia dominata est: ut ex
 Hippocratis scriptis videre est, in quibus
 non abstractae Aegyptiorum ideae trium-
 phant, sed materiae, motuumque leges ad na-
 turales effectus explicandos. Adde quod al-
 tius adhuc, longiusque repetenda est se-
 ptimi numeri supra reliquos impares excel-
 lentia. Sacrum quippe illum fuisse, titulis
 que pluribus spectabilem multo ante Pytha-
 gorae, Platonisque aetatem patet ex Ho-
 mero, & Hesiodo, qui septimam diem
 sacram vocant perfectam, in qua omnia in-
 tuen-

[1] Ed. Herb. de Cherbury de relig. Gentil. apud Brucke-
 rum de vita Pythagorae.

(2) Vid. Brucker. dissert. de convenientia numerorum
 Pythagorae cum ideis Platonis.

tuentium oculis exhibita sunt. Id resonant Solonis elegiae; Id Callimachi poetae carmina (1). Si itaque scriptorum opiniones exponendae sunt, qui de ea re verosimilius sensisse videantur, eae ad duas maxime referendae sunt. Vel enim septenarii numeri dignitas ab obscura quapiam apud omnes ferme gentes Divinae Creationis fama repetenda est (2), vel, quod fortasse probabilius, ab observationis Astronomicae documentis. Quae duo luculentius ut innotescant, primo memoria revocanda sunt quaecumque scriptores gravissimi adnotarunt de diffusa ab antiquissimis usque temporibus per traditionem toto penè Oriente Sacrae Historiae cognitione, tenuissima licet, ac mendaciis pluribus obvoluta. Qua de re suspicari prudenter cogit Veterum maxime fabularum, excultaeque apud Ethnicos Religionis, rituum, Deorum confusa consonantia quaedam cum iis, quae in Sacris Paginis adducuntur. Hisce constitutis, non immerito dubitare fas est comunem quamdam gloriae, potestatisque fidem diei illi exinde adces.

(1) Sidereo in Caelo septem perfecta fuere orbibus omnia, quae apparent volventibus annis Clement. Alexand. Strom. Lib. V. Euseb. Praep. Lib. III. Cap. XII.

(2) Habemus enim in Genesi quod benedixit Deus diei septimo... die septimo requievit ab opere suo, &c.

adcessisse ; diei inquam illi , quae apud
 Etnicos , ut supra vidimus , a primis usque
 temporibus sacra nuncupata est perfecta
 mundi genethliaca , aliisque pluribus hono-
 rum titulis insignita .

Atqui fortasse septenariae numeratio-
 nis illustre semper nomen , & venerata di-
 gnitas , ab astronomicis observationibus pro-
 fluxisse rectius iudicanda est . Coelestium
 quippe corporum elegantia , & splendore
 perculsi , tantum iis primaevi homines tri-
 buerunt , ut ex illorum motu , actioneque
 confirmari omnia , dirigique arbitrentur .
 Utque omittam in praesens vel ipsum Divi-
 nitatis primum cultum astris facile fuisse
 consecratum (1) , notum est prima homi-
 num studia , doctrinamque , suum a siderum
 observatione exordium suscepisse ; hinc vero
 plurima iuxta eorundem motum metiri Ve-
 teres , multorumque *φαινόμενα* canonas , &
 intelligentiam derivari exinde consuevisse .
 Cum autem observationes Astronomicae
 septenarium numerum frequentius exhibe-
 rent , quo vel coelestium corporum deter-
 minatae quaedam & perpetuae revolutiones
 continerentur , vel eorundem distinctae se-
 ries , genera , partitionesve , hinc eadem quo-
 que

(1) Vossius de orig. idol.

que regula sapienter ad sublunaria trasferri visa est, eodemque numero terrestria plura dominari, connectique.

Sed quae ampliora in hanc rem suscitavit argumenta Lunaris cursus observatio fuisse iudicanda est, a quo primae in hebdomadam dierum septem divisiones emanaverint, cum quatuor perpetuo sint in astro illo intervalla mutationum septem diebus invicem distantia, quae Lunarem mensem pariunt ex diebus viginti, & octo constitutum. Quantae autem id efficaciae, quod universi temporis mensuram septenario potissimum spatio conclusam, vel ipsa coelo pererrantia corpora demonstrarent? Neque enim loqui iam lubet de primariis Planetis septem, quorum singuli singulis hebdomadae diebus nomen dederint, de septem in septentrione sideribus, aliisque pluribus, per quae praeunte astronomica face insignis septenario numero publicae fiducia, potestatisque titulus inscriberetur.

Iam ergo causis indicatis, quibus imparium numerorum, & septenarii maxime, fama quaedam perpetuo vigerit, mirum non est, quod eo velut influxu comprehendi omnia credita sint, quodque & in Artem Medicam idipsum facile traduci, conferrique potuerit: in qua validius adhuc

adhuc id omne confirmatum est, quod in hoc imparium numerorum termino plura perfici re ipsa visa sint, absolviq. Atqui rem omnem sedulo perpendenti, patebit facile non determinatis quibusdam numeris, sed aliqua duntaxat, periodica licet, varia tamen lege effectus illos circumscribi: Vnde numerorum doctrina illa angustis nimium finibus obligata, morborum potius periodo latius inferenda sit. Quod demonstrari primo potest ex observatione morborum breviorum plures exiguo tempore parientium insignes mutationes, quae non determinatis semper diebus, sed tamen periodo quadam coerceantur. Huiusmodi ergo sunt febres exanthematicae, quarum cutanea efflorescentia, & profluentes exinde diversae morbi mutationes, diversarum cricum loco sunt. Atqui si variolarum ex. gr. eruptionem perscrutemur, fiet illa, & tertio, & quarto febris paroxysmo, vel & sub finem secundae declinationis, tertiaeve, seu, quod unum, idemque est, fiat illa tum pari die, tum impari, neque eodem semper constante dierum intervallo. Quod & de cricibus usu venire quotidiana confirmat experientia: quarum cricum commodo actionique si quaspiam potius, quam alias dies veluti proprias re-

nunciaſſe viſi ſunt Medici plures , dicendum eſt eos ita intelligendos eſſe , ut iis phraſibus uſi ſint , quae non neceſſarios quosdam , ſtabilesque dies , ſed certi temporis cuiuſpiam ideam designarent . Et revera in acutis , aut in iis morbis omnibus , qui brevi termino continentur , ſi non numero dierum , qui ſextam aliquando , nonam , decimam , &c. morbi partem faciunt , ſed rigidiore calculo , & ad morbi brevitatem aptiore morborum eorundem ſolutionem metiaris , videbis facile , quam diverſa ſint criſium tempora , quae variis in aegris , una tamen , eademque die contigiſſe videbantur . Sed ut evidentius adhuc oſtendatur nulla imparium , aut ſeptenarii lege criſes fieri , ſed ad periodum quamdam ea omnia latius referenda eſſe , liceat morborum hiftoriam , altius repetere quo incertae eorundem ſolutiones tutius innotescant . Morbi igitur omnes , qui non animalis fabricae diſſolutionem pariant quatuor poſſimum intervallis concluduntur acceſſione , incremento , ſtatu , declinatione . Quoniam vero duo poſſimum in morbis perpendenda occurrunt , quorum alterum morborum eorundem vehementiam complectitur , alterum durationem : utraque autem ab inhaerentibus propriis cauſis profluunt ; Hinc ergo morborum periodus exoritur neceſſe eſt . Et morbi

bi quidem violentiam metimur ab excessu quo causa morbum excitans vitae causas superat : durationem vero a lento morbi incremento , a laxitudine machinae , a pertinacia morbificae materiae . Quae omnia connexionem quamdam , successionemque supponunt causarum agentium , quae certa quadam , sed ab iis nunquam sejuncta , temporis necessitate effectus exerant suos . Hinc est quod variae actionum successiones varietatem facient apparentium cricum ; quae ergo insurgent sane determinato quopiam tempore ; quod tamen nec severiore datae cuiuspiam diei termino , nec ab ipso morbi exordio definiri , praedicique tuto possit , cum connexio illa successioque causarum agentium , nec tereno , nec septenario , nec impari numero ulli fuerit uspiam obligata : Adeoque , putaverint licet ex Medicis plerique , non solum determinatis quibusdam diebus dissolvi morbos , sed & iis etiam ita crescere , plures ut in iis , quam in aliis diebus homines morerentur , nullis tamen non diebus dissolventur morbi , nullis non diebus aegri morientur , iis nimirum diebus omnibus , quibus causarum agentium vis & periodus absolvatur . Quae si vel levissime perpendissent ii , qui hos semper & necessario , non alios esse voluerunt

criticos dies , nae illi mentem non adeo contorfissent suam , ut fixam dierum illorum causam perquirerent . Neque enim Galenus Solem , Lunamque in hunc effectum conspire coegisset , nec innatam quamdam dierum illorum proprietatem somniasset Claudinus , nec Divina voluntate facili nimis , evidentique veritate protulisset Hoffmannus . Galenus quippe cum adducere cogeretur causam dierum criticorum , id tribuit viribus unitis Solis , Lunaeque ; quoniam vero vel a rudiore Astronomia refelli se novit , ultro fassus est id se amicorum violentiae debuisse , effectus illius theoriam a se quampiam extorquentium . At immortalis ceteroquin famae scriptor Fridericus Hoffmannus (1) *Ordinatos hos omnes , & septenario numero comprehensos , universales , & in sacris quoque obvios effectus , cum per leges motuum explicari nequeant , longe rectius a prima una & infinita causa , Deo , quam a multis particularibus principiis , rationaliter , & moraliter agentibus deducendos esse monet ;* qua exhibita facili ceteroquin , comunique causa solos habet oppugnatores atheos neminem certe facit doctiorem . Nam de aliis pluribus loquendum non est , qui difficili
phae-

(1) Dissert. de Crisib. in exper. rationali fundatis.

phaenomeno, quod negare possent, sibi met ipsis exhibito, nullam deinde causam addiderunt; Atqui si ex physicis legibus crisis causae tam facile repetuntur, explanationem quoque temporis earumdem, agendique spatium eadem doctrina suppeditabit. Cumque in febribus maxime id observare liceat, tum quod brevi, proindeque facilius observanda, periodo instruantur, tum quia universalium morborum classem occupent, ita tamen & in morbis aliis plerisque frequens est, ut crisis in iis etiam exempla unum, idemque confirment, eorum nempe solutionem periodo respondere causarum agentium, quarum actio non una potius, quam altera die, sed successivo duntaxat tempore definiatur.

Neque vero dissimulandum est morborum tantummodo periodum eos saepe indicare voluisse, qui crises quibusdam, potiusquam aliis diebus obtemperare docuerunt. Sic quae datis quibusdam diebus iudicari dictae sunt affectiones quaequam, non iis absolute diebus iudicari intelligendae sunt, sed eo potius intervallo, quo dies illi concluduntur. Sic quae septem mensibus, vel septem annis indicantur puerorum affectiones, aetatis periodum denotare possunt, quo dissolvuntur; cum
prae-

praefertim, ut supra monuimus, alibi animadvertat Hippocrates septimanas supputandas non esse integras, sicuti nec dies, nec annos, proindeque crisia terminos latius, liberiusque protrahendos. Sic denique necessitati duntaxat eos intersivisse dicendum est, qui determinando, prout saepe oportuit, animalium actionum quarundam tempori, menses, annosve aliquos certa numeratione indicarunt: qui tamen neque universalem profecto legem statuere voluerint, neque rigidissimam fieri indicati temporis interpretationem; uti cum septimo anno rationis compos esse dicitur puer, decimoquarto generationis &c.

Sed & neque dubitandum quamdam saepe in periodo illa legem vere supposuisse Antiquiores, aliosque, quae imparem, at septenarium maxime numerum consequeretur. Ni enim ea potissimum methodo plura fieri putavissent, cur Aristoteles ternarium statuatur, ceu naturae legem, qua naturalia omnia absolvantur (1)? *Cur imparem maxime numerum pertimescendum esse moneat Hippocrates, cum dies hi in alterutram partem aegrotos inclinare faciant* (2)? Cur libro de carnibus naturales humanae fabricae

(1) Libr. de Coelo Cap. I.

(2) De victus ratione in morbis acut.

cae tot actiones diebus septem comprehendat, operique tori finem imponat, promittens *se alibi declaraturum necessitatem naturae, quapropter in septem haec singula dispendentur?* Quod si de operis illius auctore, dubium te fatearis, cur septimum estrem partum aequis, integrisque naturae legibus efformatum censeat, proindeque vitalem, optimum vero non naturali tempore, imperfectoque, proindeque vitae impotentem? Adeo ne quidquid etiam frequens observatio facile confirmet, falsitatis tamen larvam induat, quotiescumque dilectissimi eptenarii numeri dulce nomen, & aut ritas quocumque demum pacto sit efferenda?

Ex quibus omnibus patet, id ampliori cum verosimilitudine sentiendum, criticorum quidem dierum existentiam in dubium revocari minime posse; quorum numero ii omnes inferendi sunt, in quibus vel dissolvatur omnino morbus, vel dissolutionis proximae, integraeque certa pateant indicia; non ita tamen, ut operi illi designatos putemus hos potius, impares ex. gr. quam alios dies. Quamvis autem, ut plurimum insurgant crises determinata quadam temporis serie, plerumque etiam facile presagienda si tamen certa dierum, quin & saepe horarum lege quaedam a natura fiunt, ea potius

tius sunt . . . entium morborum
 circuito . . . admiratione fas est intue-
 ri. Utque . . . febrium historiam
 omittam, . . . uturna est, aequalisque
 in interm. . . methodus recurrentium
 periodorum: quanto autem in iis magis
 admirabilis, quae cum singulis diebus insur-
 gant duplices dicuntur intermittentes! In
 quibus nimirum non modo singulare est,
 quod idem tamdiu vigeat, constansque ad-
 cessionum terminus, sed & duplex adcessio-
 num earumdem genus, quarum altera ve-
 hementiores, debiliores altera exerat vires!
 sed ut nota taceam febrium portenta, quid
 admirabilem prorsus in aliis morbis quibus-
 dam temporis circuitum describam? *Sic Viro
 sano robusto mediae aetatis quotidie eadem hora
 oriebatur molesti doloris sensus in eodem illo
 loco supra orbitam oculi sinistri, ubi nervus
 per foramen ossis frontis egreditur &c. sic ho-
 mini per sex septimanas quotidie circa horam
 septimam matutinam brachium dextrum valido
 frigore corripiebatur, reliquo corpore natura-
 lem calorem servante &c. prout docuit im-
 mortalis famae vir Gerardus Van-Swieten
 ad . . . 757. de febribus intermittentibus.
 C. . . dem illustri nomine, & autorita-
 te, . . . iura in opere meo confirmentur,
 tum & nem gaudeo decorari.*

F I N I S.

005654542

18

